

隨

園

全

集

續同人集

隨園全集之十四

續

同

集

黃波金宗鼎書



中華民國十年
上海商務印書館
總發行所

隨園續同人集序

冒巢民先生有同人集十二卷序曰海內才人同聲相應當其始也視爲易得而棄置焉及時移事易其人已往則雪泥鴻爪往往思之於無窮豈不可惜斯言也余悔知之已晚余在名場垂六十年四方投贈之詩不下萬首多糊屋壁題詩世界三字以顏之不數年盡皆剝蝕因之自悔想學巢民先生付之剗劂又苦無力乃選其詩之最佳者梓而存之號曰續同人集其已附集中及詩話者俱不錄

續同人集分類總目

過訪類

投贈類

宴集類

放燈類

寄懷類

和韻類

告存類

生挽類

題圖類

送行留別類

慶賀類

答謝類

閨秀類

文類

集中及補遺各身不給

此類中凡有補遺各身不給... 凡有補遺各身不給... 凡有補遺各身不給...

凡有補遺各身不給... 凡有補遺各身不給... 凡有補遺各身不給...

總目

續同人集姓氏目錄

過訪類

張堅	張履上	袁梓	黃之紀	宋樹穀	王昶
李因培	夏之蓉	彭啟豐	<small>二首</small> 吳錫麒	王友亮	汪雲根
邵辰煥	林良銓	儲國鈞	慶蘭	陳熙	劉夢芳
史奕昂	程晉芳	盛復春	管松年	曹世釗	湯擴祖
俞瀚	李棠	范起鳳	王岱	邵珺	楊夢符
俞葆寅	洪禮	沈榮昌	浦翔春	張道正	李廷敬
陳兆鯨	周之桂	沈克勤	陳翥	張舟	趙翼
徐溥	李賡芸	張汝霖	金紹鵬	嵇承謙	李斗
林鎬	喬晉	何承燕	吳蔚光	徐煒	余旻
				<small>二首</small>	

白門有隨園創自吳氏余少時往遊其間興廢不一近爲簡齋先生所得益修治之依林麓高下以爲亭池臺榭曲折深幽愈轉愈勝先生以名太史作令來金陵異政彰聞民咸德之以丁外艱遂脫冠隱此雖一水一石皆具千巖萬壑之奇昔馬遷遊歷名區欲以山水助文心而先生小住此園又以文心幻山水余喜復遊其地讀先生自爲記竊有感夫人與地之相得而益彰者敬呈一詩

張堅

天地有奇境留待幽人闢滄桑不在大廢興異今昔白下小桃源地鄰謝公宅吾少日過此入門嫌徑窄邱壑一目盡藁葬未全柞瞬息四十年園林數主易今聞高賢居扶杖欣蠟屐別開一洞天仙境塵凡隔選勝踞峯嶺小樓高百尺江白遠浮天鍾山青可摘巖廊宛轉通匠心獨劃擘次第四時花鳴禽話朝夕世人空粲粲良辰盡虛擲我公獨不然買山錢不惜本是神仙侶偶向人間謫登眺琴鶴隨博古鼎彝列清嘯入蒼雲儿儿明赤寫憬然我有悟仰天笑啞啞從古無地靈只要有人傑

隨園絕句

趙履上

一林花木罩新烟曲水平岡別有天鶴到此間真自在不知避客只知眠
板橋匍匐徑
彎環倚檻天桃信手攀花片隨風吹歷亂可知流不到人間
春色深時豔畫廊鼠姑開
傍假山旁迎風似向簾前拜欲乞清平第四章

小倉山房即景賦贈主人

袁梓

百卉含芳繞綉甍綠雲深處一峰橫浮來水曲鷗相狎聽慣笳聲鹿不驚窗外山高入影小

門前村近牧歌清松關不拒春遊客白下兒童盡識名

隨園遣興二首

黃之紀

鏡水稽山畫不成樓臺面面總空明為山即是為文意滿幅曾無一筆平

東風吹水漸

消冰倒影樓臺蕩幾層魚似有情浮水面夜深偷看讀書燈

隨園夜坐

前人

隨園基址近吾廬早晚頻過步履舒到館只經三里地入山已讀五年書花中柱礎時生潤
烟裏樓臺總在虛我欲移家來左右無由從願竟何如
紅草亭中罷釣竿漫空烟影淡

林巒好花每喜銜杯賞明月還思滅燭看樹有烏啼栖未穩山無犬吠夢俱安夜來筆硯微
生潤寫就新吟墨未乾
日長書卷幾曾離向晚攜將涼處披蛛解避人收網速鳥知貪
月入巢遲偷閒每就山間榻不寐長成枕上詩吟罷自憐還自負問誰如我得良師

重過簡齋先生隨園

宋樹穀

名園半月再經過水閣垂簾瑟瑟波修竹滿山秋意早高梧臨檻雨聲多談經每使人頤解
脫帽應羞我鬢皤何事尊前動鄉思溪橋渾似舊巖阿

同陶蘅川李晴洲嚴東友過隨園

王昶

城南城北鳴鳩飛經旬苦雨如塵微僧齋寥寂掩關臥綠苔被逕行蹤稀隨園咫尺不得往
預恐積水淹春衣朝來層陰忽開霽快躡桑屐趨荆扉重樓突兀俯烟莽小檻宛轉沿蘆碕
疎籬幾曲芳槿繞短約三板長松圍奧如曠如各有態園林如此人間稀主人夙是香案吏
雅才百五遙相睇高名合奮動寥廓長句噴薄迴珠璣三年臥閣理花縣便買邱壑辭塵機

鳳匪螭敦署祕笈牙籤錦罽充書幃江湖逸客共談藝時理研墨調冰徽戲園詩老昔傳述
魚門令我悵望同調饑茲辰攀躋慰夙抱況有勝侶同元韋篠檐側帽足幽賞藤牀企脚堪
忘機櫻桃躑躅雖稍謝漸見婪尾增芳菲安得山廊最深處日夕吟眺無乖違獨愁茶晏尙
未已金烏隱隱澄餘輝綠陰回首不忍別春雲杳靄生寒霏

秋日過訪隨園前輩有作

李因培

未歸還泛宅小住石頭城高閣夕陽外長天秋水橫磨門容放鶴伐木愛鳴鶯莫作林泉癖
中牟舊有聲松菊歸元亮文章妙總持山藏千古業地數六朝遺花館烏皮几溪橋白接羅
因君發幽興擬是習家池翠微亭子下避暑訪遺宮古寺荒碑盡閒門野草叢穿雲看屋角
出樹指房櫺坐對幽人久青天送晚鴻江南遊歷遍復此辟彊園明府方吟嘯清流共討論
文驚才藻麗語愛口瀾翻記取相逢日秋風白下門

過簡齋同年隨園賦贈

夏之蓉

餘杭才子神仙姿標奇倏然脫凡滓南屏石姥看已厭來向江南弄烟水抽簪早及黑頭時
問年纔踰三十耳遺榮勇退古所難高懷直挹天隨子卜居遠在鍾山麓手闢名園信媿美
蘭亭梓澤未許過百里清光收掌指行春徑裏花冥冥需雅亭前石齒齒疎林雨過雛燕飛
曲沼風吹荷葉起主人綸巾坐小閣挿架縱橫列書史無官可守眞得閒有酒頻傾還自喜
只今心跡兩清絕俯視浮名同敝蹠不須更覓輞川莊長此拍浮良足矣十五年前一相識
君馬向南我向北竭來白下得重逢未辨此身誰主客劇憐邂逅眼猶青差喜龍鍾髮尙黑
五千卷未貯胸中公然直入崔嵬室盤盤曲磴聳孤突隱隱橫橋漾空碧盈堦秀色坐可攬

拂檻嵐光淨如拭恍疑置我巖壑裏欲倩龍眠圖水墨迴思舊雨等沙擗詞抗壘浦陳笑看
野鳥爭鼠嚇人生歲月能幾何過眼繁華同一擲但遣畫手落瀟湘莫恨詩名折官職當年
車笠舊有盟此日夔魃還共惜烟邱一埒肯平分我亦浮家來泛宅

冒雨尋柳谷題贈簡齋先生

彭啟豐

春深多積雨雲護小倉山綠柳遮溪谷碧桃滿路灣陶公歸里早庾信卜居閒踏濕尋三徑
匆匆著屐還疏鑿窮幽勝高低見化工引泉流蕩漾疊石綴玲瓏循檻迴環轉登樓眺

矚空棲霞疑在戶春雨饗淙淙買山酬價值拓地構園林文謙偶然集塵氣自不侵烟

雲凝望遠花月寄情深喬木成佳蔭鳴禽多好音軒几俱幽靚琳瑯滿日陳逸情耽古

癖雅尙與時新峯挹清涼秀花迎穀雨春桃源雖在此不是避秦人

乙巳冬過隨園奉訪簡齋前輩

吳錫麒

瀟灑名園最清涼一徑通門開黃葉裏塔倚夕陽中泉石娛仙眷文章重寓公笑談春滿座

未要下簾櫳如此遂初早於今四十年青山看六代白髮領羣賢業以千秋重棋爭一

著先愧余西笑客相對轉茫然

過隨園呈簡齋先生

王友亮

託跡菰蒲久自憐條披雲霧覩青天推袁到處人如市御李今朝我即仙高論正宜攜白羽

賞音翻媿乏朱絃齒牙餘慧從公乞悔不摳衣早十年北山小築傍烟霞廿載投閒鬢

未華海岳奇情惟拜石河陽餘事到栽花忘機只許鷗同狎避俗還將鶴共誇留得甘棠與

誦在野人爭識使君家山色當樓月滿簾森森插架見精嚴芸香深護三重錦花影紛

披十樣籤奇字識多元是癖好書收盡恐非廉從今居近春明里借讀頻來定不嫌
海求詩不厭深肯爲俗手度金針驪珠探得羞餘爪鴛錦裁成見苦心野史亭應輸妙格王
官谷好嗣清音瑟居長夏都無事盥手焚香百遍吟

時以詩品三
十九章見示

春日奉謁隨園夫子呈長句一首

汪雲根

春山鳥鳴鳴春田人于我行無伴侶樂此春陽敷登高訪幽躡入徑路縈紆應門者誰子
言和色以愉主人晨未興高閣聊可娛聞言發心賞憑闌意境舒竹樹茂千章流水宛一區
中間雜亭榭繡染如畫圖嗟予一下士十年老菰蘆動爲妻孥迫不惜顏面輸袖刺常漉漫
足行每踟躕屢遭閤者呵低眉嘆路隅是間容小住不以勢利拘昔聞君實僕今見穎士奴
乃知我公賢汲引良非誣坐我春風裏幾載容濫竽牛溲及馬勃詎可參苓俱心感願更賒
意摯詞不諛所望一顧問策此下乘駑

辛卯八月訪隨園先生不遇

邵辰煥

十里桂松陰幽居不易尋雲光衣上落山色院中深坐聽風泉響清疑鸞鳳音孫登不可見
誰與撫鳴琴

雪後訪存齋先生不值

林良銓

高閣層山起方塘一澗通花隨廊曲折樹繞檻西東客過疏籬外禽窺夕照中武陵詢地主
金谷問園童採藥人雖去尋源興未窮心懸元伯遠情共季方同預約他年我應知此際公
芙蕖新綻候沉醉碧荷筒

過小倉山訪主人不值

儲國鈞

竹樹影蒙密岡巒似畫圖主人本仙吏結屋在清都詎敢門題鳳還疑鳥化鳧元言不相接
何以當萱蘇

余秋間重過白下適簡齋杭州未歸不獲再一握手別後却寄

慶蘭

返棹重停白下舟欲親笑語故遲留與君握手差三日
予九月一日過白門簡齋為我還九月四日歸小倉不能再照

山負九秋不晤爭如相見好
來札有相見爭如不相見之語

重離難補十年愁此情竟被風吹斷淚似江流

那肯收

陳熙

壬寅春日
至隨園值存齋夫子遊浙東未歸
老愛尋山健可知還憑遊躅慰離思亭前問字車空到園裏看花屐懶移記我姓名憐舊僕
念公眠食問佳兒緘書欲附雙飛翼台宕雲深鶴去遲

新歲謁簡齋先生

劉夢芳

隨園形勝儼蓬萊中有人藏命世才閉戶徑添新長竹著書窗老舊栽梅時多車馬敲門至
知是公卿問字來林壑幽深春似海瞻依幾度首重回

甲辰暮春訪簡齋太史未遇隨園留飲十二韻

史奕昂

綠竹脩疎處幽人室在焉入門穿徑曲拾級到堂前結構依巖壑圖書雜簡編造廬人已遠
欺客嫂能賢庖屋調珍味茶鐺起澹烟洵稱安樂地最喜蔚藍天坐久忘喧矣窗開更曠然
山高林鬱鬱池曲水涓涓塔影凝眸迴禽聲到耳便軒齋無俗韻城市有林泉濟勝君猶健
年衰我自憐此來天作合
余迎鑿召對時面奉諭旨在京甯祇候欲去且留連

兩過隨園值主人北上

程晉芳

清華水木抱幽居曾記題襟漬墨餘野鶴不禁深夜怨青燈猶照滿樓書半巖香散寒梅折
別岸鐘鳴暮雨疏遠出豈應同小草故山回首意何如

奉謁隨園先生不值

盛復春

昔訪名園今復遊石橋三過一登樓喜看好句懸高壁不見仙人在上頭時先生遊吳
支鵲觀柳絲低拂采蓮舟還山若問留題客姓氏曾通十五秋前同陽湖稽
塔影遠標

秋晚過隨園適夫子有雲臺之遊

管松年

門外空停問字車秋齋人去玉窗虛暫離左右時縈夢要訊平安孰寄書勝具常誇腰脚健
客途未覺笑談疏也知禽向非無伴劉兄霞巖偕夫子遊粵攜手林泉得所於

過隨園有懷夫子

曹世釗

深林蒼翠飽烟霞門巷蕭疏一徑斜招飲客來同鬪酒尋春人去未還家碧於山色簾前水
紅到殘陽橋畔花惆悵分題吟未穩催人歸去柳啼鴉

自巢縣到金陵訪隨園先生不值題詩奉寄

湯擴祖

入逕先看竹登樓更見山板橋朱檻外鳥語綠陰間地縮西湖小詩吟東閣閒相尋不相見
新水聽潺潺

奉訪簡齋太史留宿隨園

俞瀚

難爲分手去一榻臥清秋人老情偏重燈殘語未休山催雲入夢天放月登樓悟得閒中樂
萍蹤不可留

甲午仲秋重過白下宿隨園

李棠

舊愛園林好經年喜再過雖衰猶矍鑠此會忍蹉跎未覺童心減空餘霜鬢多故人情似海
留我住烟蘿

謝公門下士今日剩何人武說嫖姚貴

阿廣庭

文傳屈宋新

簡齋

閒中消

歲月夢裏聚星辰獨抱荒莊愧年年原憲貧

余與

阿將軍

及簡齋

先生

門下

家貧強作客歸

思苦難禁已是秋風候難留野鶴心老知離別重涼怯水雲深苦向山靈問何時更相尋

十月四日叩隨園夫子遊羅浮未返宿齋中作

范起鳳

一夕留清夢人間萬事非波濤千樹湧風雨四山圍主作羅浮夢人敲白板扉似聞猿鶴怨
杖履幾時歸

蒙簡齋先生留宿供梅滿室置身衆香國中得詩二韻

王岱

香南雪北淨無埃姑射紛紛倚玉臺入座慚非大弟子爭禁滿室散花來

過隨園呈簡齋夫子

邵珙

長江天塹隔蓬瀛引領師門歲月更白首幸逢今哲匠絳帷寧拒老門生手披古簡丹黃校
賦遂初衣猿鶴迎笑我倦遊耽抱甕廿年不到佛狸城

奉呈簡齋先生

楊夢符

半生夢寐隨公住竟到江流渡白門一樹疏梅當岫影千竿新綠上衣痕屈卿此曠身甘隱
負汝多年膝自捫袞袞雲霄堪一笑任他臺省不須論

訪隨園先生

余葆寅

先生曠世才沉酣稽典籍早歲覲 楓宸玉堂留履迹久懷惠愛心彈琴溥膏澤故鄉聞化
理仰止匪朝夕中年耽閒棲隨園喜幽僻繞逕竹陰陰入門天宇闊飛檻架層樓循廊啟奧

宅芸籤挿古書雜玩布瑤席灣環局倍新敞豁意彌適每逢異境藏疑有織雲隔我來正春風繁香沁詩魄山色含淺深花光間紅白鳴鶴倚蒼苔孤亭占危石橋低跨澗流塔遠窺林隙憑欄望不窮小艇盪空碧一棹一遲回屢顧屢珍惜髣髴遇桃源問津無俗客

前題

洪禮吉

卜居花縣愜初衷早結茅齋署老翁文酒萬三千日足簾櫳二十五房通關情偶作桃根詠鄉夢偏愁蘇小同戊榜諸賢名位盛先生一笑付春風

重詣隨園奉簡齋老同年

沈榮昌

誰把隨園擬故園客來不速已三番寒花待臘無殘意好鳥依林作舊言松徑依稀重改築荷塘曲折已逢源淹留竟日頻諄囑老矣無嫌聚首繁

呈簡齋太史

浦翔春

天許移家作散仙六朝花月靜中緣花開鍾阜聯吟屐月滿秦淮上酒船當代才名追太白平生風骨類樊川自慚海角菰蘆士仰止情深已廿年

前題

張道正

隨園地僻遂幽居塵網離來好著書自有文章軼班馬不妨居處狎樵漁置身百尺層樓上放眼千秋一笑餘門下青雲多少士可容末學掃庭除

初至隨園

李廷敬

平聞詞賦動江關短翼飛來幸及攀不信松喬居海上能移篷閣到人間雄文競以星雲比續集新收楚越還四十年來花下隱能消清福是能閒

再至隨園

前人

曉禽喧竹樹花下做雙扉徑曲雕闌引亭高翠巘圍泉聲新雨漲鶴語片雲歸一笑山人出
高眠與世違

呈簡齋太史

陳兆鯨

謫仙又見李長庚天與才華薄海傾館閣公卿都執贄江淮草木盡知名論窮六合驚神鬼
太史著新齊諧詩溯三唐重性情老臥東山真有福肯將蘿薜易簪纓

新年返里走謁簡齋先生

別公數月抵千霜每誦公詩對客狂一笑身如春燕子銜泥今日始升堂

正是新陽律

換纔紛紛玉戲滿樓臺天公有意儂猜著教補程門立雪來

連日大雪

呈簡齋先生

沈克勤

名比春雷動聲聞到處同九州一詩老三島幾仙翁宦海抽身早詞壇敵手空聰明兼福壽
談笑逮兒童結屋清涼境全家圖畫中六橋臺榭做兩岸水雲通竹映開樽綠花飛繞袖紅
陶潛愛籬畔庾信寄江東五嶽遊幾遍類年記未終舟車忙晚歲杖履化春風門更滋桃李
材無棄榷穰羨人親白傅遲我識韓公仰止倉山近疑瞻太華崇摠衣慚下士投刺遂愚衷
敢謂經能執聊如石待礪蕤撞眞率爾小技學雕蟲

同張廉船謁簡齋太史不遇

陳蔚

絳紗待立半清流謝傅園林近莫愁早副盛名過白燕能消清福即丹邱三唐讀遍無摹做
五嶽歸來更漫遊同甫心胸開萬古不徒壇坫占千秋

與陳豹章同作

張舟

野鶴閒雲七十身一邱一壑見精神集中長慶多新作朝裏貞元少舊人白髮談詩牙吐慧
朱顏顧曲眼生春天風浩蕩江湖闊容得神仙賀季真

過隨園題壁

趙翼

名園欲訪屢愆期到及梅花正滿枝惟恐長爲門外客特來親賦畫中詩林亭曲折文人筆
牆壁淋漓幼婦詞名滿九州身一壑朝川莊遂屬王維
盤紆峰迴巧作東西瞻水復流爲裏外湖喬木十圍人共老名山一席客爭趨問渠何福能
消受四十年來住畫圖

春日同人遊隨園

徐溥

不識隨園數訪尋那知城市即山林晴霞歷亂迷花徑彩翠空濛斂夕陰負郭有田堪荷耒
折腰何事竟抽簪池塘入夢憐春草千古誰酬白雪吟先生有春草詩六首躡屐登臨昔未經翠
微深處有雲亭引將流水侵衣碧放入春山滿眼青暇日吟詩追北郭清宵和月夢西冷六
橋花柳原如此偏借樓霞勒座銘

遊隨園雜詠 選七首

李慶芸

小倉山房

几有金軫琴座有玉柄塵曉起掩簾鈎花霧濃於雨

書倉

擁書擬百城積卷誇二酉若是宋龍圖當沽一緘酒

金石藏

錦罽硬黃揚銀錠捶痕細風過墨花香吹度花深際

蔚藍天

泉石碧翁翁都在窗中列短塔影如針挂向青山缺

琉璃世界

紙醉復金迷虛空著五色應得水精奴灑掃冰花國

柳谷

景蘸麴塵波搖出傷秋意爲舞春風多長條垂到地

蓮沼

風約綠萍開倒浸雲羅濕款款紅蜻蜓飛上藕花立

前題 避八首

小倉山房

魚忘在江湖子宜置邱壑誰將淮南山移入建康郭歲月俄已深梅花自開落

南樓

客來還登樓客去卽懸榻祇有西山青日夕許排闥酒醒月臥闌含情佇天末

花請客

投鄰容竟詣掃徑况相迎柴門故人至嫋嫋清風生請迴熱客駕珍此歲寒盟

判花軒

張汝霖

休誇山可移但恐笑成粲家居廉讓間人分黠癡半花還問主人何以了公案

觀犁書屋

昨宵春雨寒燈花爆書屋曉聞西窗外叱叱黃牛犢屋上花枝紅屋下秧水綠

垂虹橋

陂南山悄然幽禽自相語山晴水亦香花開不知處春風忙於人先過紅橋去

梅亭

寒苔封樹根孤鶴啄甑縫凭欄日何爲手取三百種收香抵責絹仙人飽清俸

山上草堂

無驚北山靈且作東山臥大山竹閣高小山草堂大孤吟趙倚樓留客陳驚坐

過隨園看芙蓉呈簡齋先生

金紹鵬

喜向蓬瀛謁謫仙秋山景豔小陽天鶴貪勝境忘行蹇花放名園著色鮮畫裏禽魚疑朝水

望中松石抵平泉公門豈但培桃李栽植恩還到木蓮 九曲房櫺入武夷軒窗面面嵌

玻璃到來身在冰壺裏想見心如水鏡時結構須知參意匠玲瓏真似讀公詩芙蓉萬本瓊

樓外紅雪嚇山掩映宜

謁隨園夫子賦呈二律

嵇承謙

環山深貯一園春遠却囂然萬斛塵好古只憑修綆汲耐閒還與短檠親閉關日涉都成趣

落筆詩成培有神此樂可爲知者道踵門未厭舊門人

前題

李斗

山路嶙峋夾薜蘿虬龍樹石共婆娑紅樓有影都堪畫碧水無聲却似歌才語定知千古少
宦情應悔十年多我曾遊遍南朝寺躡步雲霞記一過

謁隨園夫子

林 鎬

半世心頭結願偕門牆未座已容排敢愁觀海難爲水妄想升天竟可偕載酒喜聞新月旦
看花偷識老風懷束脩只費山妻力手剪紅雲製兩鞋 秋陽炙背亂峯遙問字元亭第
一遭但見竹林攔路口豈知花墅在山腰乍穿小徑疑尋壑欲上長廊誤過橋聞說先生新
浴罷本來浴佛是今朝

前題

喬 普

蓋代才名海宇傳逢迎婦孺亦欣然能兼福慧前生佛舊住蓬萊上界仙警校丹黃三萬軸
縱橫今古數千年詩才文品千秋事獨闢町畦證妙詮 尙憶高軒過海隅龍門未敢效
亮趨聲華典貴浮筠玉性體圓靈記事珠香草童蒙憑掇拾瑤漿天斗任傾颯凡材從此登
仙界換骨金丹惠我無

前題

何承燕

卜築因天巧籬籬借白雲虛廊秋寂寂寒翠暮紛紛秀石孤亭聚垂虹一水分後堂施絳帳
絲竹幾人聞 小艇藏於壑裝成舴艋輕一灣通詰曲雙槳蕩空明風幔當花卷茶香待
月生鵝兒最馴狎避棹不無情 谷口涼飈發前山月上時梯空行閣道緩步拂花枝地
僻精廬近名高過客知買絲真有願已是十年遲

前題 鷓踏枝

吳蔚光

伊軋籃輿衝雨去老樹荒溝畫出新秋趣一帶籬門何氏住牽牛木槿花齊吐
我已曾來三五度野客溪橋只覺無多路山畔白雲如濕絮隨園就在雲深處

泊舟金陵謁隨園夫子

徐燁

金陵爲泊廣陵船迂道來過薄暮天屈曲小倉山下路幾峯遮斷幾峯連
謝公去後得

公居四十年來此結廬怪道門前多隙地好容問字客停車
曉來乘輿踏烟巒芳草藤

蘿露未乾多謝哇丁掃紅雨引儂穿徑指儂看

前題

前人

一別倉山漫五年攀花折柳記從前今朝問字車停處剛值程門小雪天
是日小雪

喜健如初鳩杖從來不用扶一事當頭先告我劉郎別去絳幃孤

謂霞雲就

登堂猶

西湖訪簡齋先生

李天英

截湖小舫穿飛梭微風吹浪翻新荷積雨初歇瑪瑙寺衆山擁髻如湘娥手攜橫卷訪佳客

圖中煙雨青相摩楊柳遮門不知處但聞黃栗當風歌十年文采照南國一匹雪練懸秋河

淨洗六朝箏笛耳獨絃一揮羣音和齊門濫竽竊自晒投効歸去同流波竭來湖上尋古調

仙鳥逐鷺飛烟蘿短刺漫滅置小閣姓名不辨知誰何夜窗展卷應大笑故人相遇何其多

過隨園有懷舊遊呈簡齋先生

劉夢芳

憶曾此地得追陪勝會生平第一回幾部笙歌花世界滿山燈火夜樓臺醉看巖壑明如畫

樂及禽魚靜不猜興極還登最高處上攀星斗共徘徊

遊隨園書奉簡齋先生

莊宇遠

五雲深處住浮邱耳熟今纔與目謀自有蔣生關三徑不教謝傅占千秋
謝公學林嵐獨絕
開青眼福慧雙兼到白頭如此蓬壺在几席怪公頻歲出山遊
西泠撰履憶蕭辰三載
離懷此日申現出廬山眞面目總緣潞國好精神鱸魚硯北都如畫腕底胸中盡是春我欲
徑翻歐九案窮愁那得例詩人

喜晤隨園先生

伊湯安

太史文名一世豪倉山重訪不辭勞蜿蜒曲徑藏幽谷已見先生邱壑高
滄海茫茫那
測深得公一字重南金竭來閨閣皆桃李豈獨春風遍士林
名在他年高士傳園勝昔
日輞川圖天然仙境容消受清福如斯絕代無

己酉秋謁隨園先生

李仙枝

吁嗟乎王喬豈得遇赤松難從遊我聞方丈與瀛洲其境縹緲非人世徒然幻結空中樓卓
哉唐韓子所言識名理神仙雖然有傳說智者盡知其妄矣先生早年登甲科石渠聲譽滿
京華九精照耀胸羅宿五色紛披筆底霞金陵名勝壓江左江山雄秀雲烟鎖大隱金門是
謫仙翰林外授無不可東山絲竹日歡娛此地清涼足耐居修竹名花相倚藉高樓倚閣跨
空虛名驚海內文章老多士奔趨履周道愛客常看倒屣迎度人自有金針好嗟予無所可
用如朽樗粗石敢望成瓊瑤大匠洪鑪無竈器死草尙待春風嘘一到名園瞻積翠三島十
洲眞不啻少微星燦老人高海鶴風姿嗟奇異平生夢想仙人不可期始信神仙在陸地

訪隨園先生

袁棠

四朝潞國尙多情每念交游有嘆聲留得幾多臨老淚歸航猶哭女門生
新時續續可是

衣從夜半傳不妨等到二更天酒闌只恐闌人謝說道先生醉欲眠
酒樓高倚冶坊浜瓊鈞缺處華燈補不敵文星一點明

隔岸波光漸漸生

隨園續同人集過訪類終

續同人集姓氏目錄

投贈類

莊有恭	李天英	趙翼	蔣知讓	錢維喬	折遇蘭
德隆	談士灝	方正樹	丁珠	李賡芸	陶元藻
黃景仁	何士容	鮑之鍾	彭翥	弟增	毛藻
浦銑	林鎬	沈本陞	朱黼	張雲璈	秦大士
程晉芳	折遇蘭	蔣和寧	沈德潛	張誠	梁同書
彭翥	趙翼	彭光斗	孫華	成城	鮑璉
楊國霖	孫韶	吳蔚光	疏枝春	江藩	吳兆龍
法嘉孫	陳用光	吳鎮	葉紹隆	任康	王光晟
龍鐸	汪鯤	方溥	談炎衡	蒲忭	何道生
王汝藩	王汝翰	祝德麟	左墉	周長發	王汝璧
陳毓咸	孫原湘	張鉉	孫昌時	顧樹	金兆鵬
黃世璽	洪錫豫	陳熙	謝啓昆	儲潤書	左墉
張節	法式善	崔龍見	胡永煥	胡岳	祝德麟
施德欒	福康安	和琳	德福	王岱	思元主人
吳承禧					

余督學江南適子才同年乞病卸江甯篆即席賦贈四首

莊有恭

十載韶華瞥眼過回頭塵夢總南柯雲中五色光同照石上三生話轉訛西苑雞鳴留舊榻
大江擊楫感流波我來君去緣慳甚臥轍空聞喚奈何
念舊情深老僕同謂子才舊僕朱明驚

人劇笑舌鋒雄狂奴故態吾猶在外吏趨庭爾竟工鐘鼓最嫌頻促漏弟兄何事類飛蓬千

金一刻輸今夕星聚從占太史公同年徐鑿兩陶西圖一時俱至折翼抽簪博遜肥潮平風利幾人歸

憐才異國多青眼制軍策公苦留子才返哺三春戀寸暉弱水急流仙骨異小倉叢桂宦情非隨園別

貯人間世抱囊輸君早息機

西湖客寓訪簡齋先生不遇留贈

李天英

截湖小舫穿飛梭微風吹浪翻新荷積雨初歇瑪瑙寺衆山擁髻如湘娥手攜詩卷訪詩客

圖中烟雨青相摩楊柳遮門不知處但聞黃栗當風歌十年文采照南國一匹雪練懸秋河

淨洗六朝箏笛耳獨竝一揮羣音和齊門濫竽竊自哂投効歸去同流波竭來湖上尋古調

仙覺逐鷺飛烟蘿短刺漫滅置小閣姓名不辨知誰何夜窗展卷應大笑故人相遇何其多

圖中題句半皆先生故舊

湖上初晤簡齋先生有贈

趙翼

不曾識面早相知良會真成意外奇才可必傳能有幾老猶得見未嫌遲蘇隄二月春如海

杜牧三生鬢有絲一個西湖一才子此來不枉費遊資
攜家來住武林春書畫隨身集

等身與我相逢三竺路此翁大似六朝人花間訪妓投名紙雨後尋詩墊角巾他日西湖游

覽誌故應添個老閒民

朝衫脫後占詞場三十年來獨擅長流寓已傳吳建業輩行漸

作魯靈光漫從近代推初白自說前生住點蒼惜我曩從西洱過未曾探爾舊行藏

人言先生前生

爲點蒼山五百年老猿

不敘寒暄不待茶入門諧諱便交加誦公詩似瓶翻水笑我癡同癖嗜痴

海內神交無作合古來名士各成家那禁僮僕從旁笑熟客登堂無此譁

簡齋先生路過南昌喜晤有贈

蔣知讓

捧我王母杖看公隨園花我年方六歲鬢鬢雙髻丫張燈小倉山萬樹枝橫斜百石猛火油
山池映紅霞時公太夫人頗抱含飴嗟愛我如愛孫甘脆分梨楂忽忽十載後公餞虹橋春
有如西園集四座皆詩人春歸公未歸警欬得屢親執燭俛座隅如點席上塵從茲走南北
兩繫石城艇搵衣拜公門聞公返鄉井重窺柳塘烟略識昔時景池開橋屢移竹密籬或屏
環房玻璃天瓊樓烟雲影山深晚無人涼鷗踏虛溟聞公訪天台聞公覽黃海去公數千里
必知公所在譬彼過海船仰見斗杓改旋拱有正向昭哲不容給自誇識公顏逢人說公貌
聽者猶未詳欣欣轉相告慕公有私心頌公有公好好亦何待頌慕亦何所私人恨不識公
識公我兒時駸駸二十年無可受公知徒隨天下人沾沾誦公詩公名在天下所識知齋藥
中材且推誘安在特與奇公負帽箱奴日日與公隨識公類如此焉用識公爲公領帝王州
聲名壓西華去年我入關屢憩甘棠下誦公秦中詩俯仰足欣詫又從西粵還皆公舊遊地
一步一思公公忽翩然至我翁臥城南未疾嬰古臂自編平生作磨拭如藏器願乞冠冕詞
懷公通寤寐剝啄聞公來神宇一時王坐起不待扶豐然舍筇杖爰開池上軒高譚達肝臟
翁久苦舌瘡噴嗜竟自忘笑指庭前柯花如爲公放草堂三四楹偃仄少夷曠公來據胡牀

春風滿闌桁維公與我翁昔自比瑜亮此自足千古擬寫入屏障留公不肯住言復端溪遊
千里一命駕四海一子由嶺海萬首詩况復行可收待嘗荔子丹歸期指三秋羨公五嶽興
攀陟窮奧區江山花月間意氣雄千夫我翁病形骸神明弗稍渝焉得仙人藥豁起偏瘠枯
長江破浪舟重卜東倉居更似廿載前二老德不孤我學淵明兒但擱竹肩輿過從有時暇
偷讀隨園書滕王閣上侍先生論古評詩字字驚公所讀書人亦讀不如公處只聰明四句別是

一首誤接園書
下題名原缺

湖上贈簡齋先生

錢維喬

才子江南有寓公十年不見夢常通入門高論還驚座對酒離懷各轉蓬生藉鶯花縻夜月
老看笠屐趁春風石麟容我先摩頂佳傳他時付若翁 自著荷衣少宦情草堂猿鶴竟
尋盟偶然著作堪千古便不湖山也一生小隱金門知盡幻大還石髓笑難成聊收神鬼爲
譚助前席非求動 聖明先生著子
不語一書 名園曾記共招邀烟水秦淮賦六朝詞伯天教能
白髮酒徒人已半青霄詩篇敢擬當垂手官境都先味折腰今日西泠話蹤跡可堪同聽雨
瀟瀟 家山秀絕數杭州泛宅翻成客裏遊公是季心能愛士我如衛玠善言愁煙霞抱
癖偏難共鴻鴈隨陽且自謀記取越吟他日慣定容易地得菟裘

嶺南喜晤簡齋先生

折遇蘭

江勢遙吞震澤春湖山今始見斯人十年小謫爲仙吏半世依山作逸民自是文星爭快覩
豈知龍性竟能馴竭來玉局經行地鴻爪泥痕證夙因 雜誦高文意已傾屹然巨鎮得
堅城雄談不惜翻前案賸墨猶堪餉後生河溯星源真浩渺山當日觀失崢嶸笑他海雨江

風句枉擅詞場一代名 秋風吹浪片帆開不到羅浮不肯回聽雨聯牀難獨去看山雙
鳥忽飛來天教海國留文字春到花田轉劫灰我亦南遊多古意願君扶病上高臺 勞
生幾欲廢高吟豈料文章有賞音老眼能知天下士虛懷真見古人心千金薛卞門前價一
夕鍾期海上琴安得從公脫塵鞅題詩直到閩風岑

小住隨園奉贈

德隆

神仙中人不易見神交數載艱謀面都下爭傳賦落花新詩寫遍白團扇昔君曾向蓬萊遊
風濤浩渺登瀛洲禁中才子無雙譽天上神仙第一流雄文班馬爭先後麗詞庾鮑堪爲偶
無端拂袖鳳皇池翩然作宰風塵走人道先生無不宜儒林循吏俱稱奇河陽幾處栽花後
彭澤歸來種柳時花開柳綠君方住春暉好詠南陔句買宅金陵桃葉旁板輿竹外含飴顧
靈萱孝笋堦前植名園卜築隨胸臆却從塵市關桃源江湖滿地漁人識閉門却埽深著書
方袍朱履神蕭疎臺城烟雨容高臥板渚鶯花愜遂初翳余蚤歲讀君作文章矯若雲中鶴
兩到江南不見君夙懷飢渴將誰託北風吹我江上寒白門晴雪訪袁安相逢一笑如相識
握手鬚眉仔細看談諧興劇斜陽暮匆匆又向江西去他日相思欲寄書匡廬以外雲深處

呈簡齋年伯

談士瀨

著述才人業安恬隱士心園花雲外數山綠座中侵不向風塵老能消歲月深江南秋色裏
翠靄仰遙岑

呈簡齋太史

方正澗

曲閣深房處處迷洞天五色剪玻璃知名士摠欽文望有福花纔遇品題內廡久聞龍種放

慈筠新得鳳雛棲行年六十猶耽學萬卷丹黃手自批
隔幔青青鳳尾欄隱囊紗帽稱
閒居名花爭勸留賓酒侍女分抄脫稿書閣爲延山緣磴起糧因飼鶴入秋儲旁人共引神
仙比祇恐神仙反不如

乙未九月自都門抵白下謁存齋夫子

丁珠

自笑琵琶曲未工看花春夢又成空千言賦獻誰知我一句詩傳最感公增價何當逢伯樂
焚香端的爲南豐難忘十四年前意此日雖貧不是窮
築室金陵老歲華亭臺常倩綠
雲遮身閒但急千秋業官罷還貪一縣花杜老畢生羈旅舍放翁半世客天涯可憐絕代經
綸手祇向儒林號作家
千丈籬笆數里堤傍山臺閣影高低未知門處香先至得近花
叢路轉迷垂柳綠連春水上天桃紅到夕陽西看來都是傾城色祇恐先生費品題
佛
法仙方事總虛此身倚仰自蘧蘧力田也要能逢歲應試無須多讀書斫地高歌才磊落送
人作郡命何如幾時亦構三間屋得傍先生水竹居

呈隨園先生

李慶芸

聲譽雞林重篇章鸞掖工江南舊令尹海內老詩翁絲竹傳張禹生徒拜馬融一身仙與佛
七字雅兼風壇坫歸才子江山有寓公長吟梧葉碧閒臥藕花紅久切高山仰今來霽月中
到門王粲愧懷刺禰衡通幸借先容力
謂周秀才玉璫聊據請見衷蠻箋愁畫虎枯管學雕蟲身分
懷中璞心情爨下桐青衿嗟未得葛屐自憐窮御李逢人說推袁此事同登龍邀拂拭附驥
藉磨礪襍容殊赧嫖夢易蒙可堪樽散質收入狄家籠

遊隨園二律奉贈簡齋

陶元藻

水破滄江手自驅垂楊種老倩雲扶胸中原有真邱壑眼底重開好畫圖四部蟲魚藏複壁
六朝烟雨接平蕪夢魂未斷錢塘路猶學長堤界兩湖 木杓郊亭野趣酣肯教金碧汚
晴嵐聯吟每選花間石留釣偏臨竹下潭看到白雲疑輞口攀來叢桂憶淮南松風蘿月清
如許消受山房二十三

己巳仲秋賦呈簡齋先生

黃景仁

一代才豪仰大賢天公位置總天然文章草草皆千古仕宦匆匆只十年暫借玉堂留姓氏
便依勾漏作神仙由來名士如名將誰似汾陽福命全 雄譚壯翰振乾坤喚起文人六

代魂浙水詞源鍾巨手秣陵秋色釀名園幾人國士曾邀盼此地蒼生尙感恩我喜兒時識
司馬不須持篲掃公門 煥室風亭翠靄間藥欄花逕互周環半篙後主迎涼水國有溪為南唐

時納涼之所 一桁前朝戲馬山似海繁華歸老筆極天風月養蒼顏誰知泉石皆經濟此意先生
未等閒 偶逢佳日徑開三絲竹聲攬笑語酣帳後金釵分左右筵前竹箭盡東南張燈

雅會星千樹蕩槳清歌水一潭不與西園冠蓋末可知才命本難堪先生召宴以病未赴

過隨園呈存齋先生

何士顯

鄴架藏書擁百城鳴琴吟席古懽生玻璃窗寫穠華影楊柳風調乳燕聲人與蝶迷香徑午
天隨雲淨遠峯晴眞成大隱幽棲地盤谷從來浪得名

秋日奉訪隨園先生見木芙蓉盛開因憶目遊率成一首

鮑之鐘

青鞋初踏秣陵塵太史園林每問津花底曉鶯藏曲徑水邊涼鷺立青蘋紅雲香煖燒燈豔
綠玉窗明拾翠頻今日相過重話舊芙蓉塘外岸紗巾

在端州呈簡齋先生

彭 翥

奇文少日誦西泠第一才名照汗青祇謂芝雲天際隔豈期鸞節嶺南停惠連夢草端溪碧

紅豆詩齋荔子馨定有新銘鵠北海崧臺觴酌古仙靈 逍遙登眺意何如欲向羅浮更

曳裾嶺上筇纔雙足峙鷗邊舫更萬花扶先生天合遊草魯未有寄郡伯句云明年倘到越

入海天空海闊胸何有成佛羣仙迹轉拘白雪詠樓高百尺攀躋無自渺愁吾

呈子才大兄

弟 增

五十鶯花夢蕭蕭鬢欲絲少嫌經世早老悔讀書遲宦味真如蠟心交獨有詩幽居彈古調

相應憶墳篋 異地欣同譜瀛洲小侍臣琴閒曾步韻花滿尚饒春余相繼大兄臭味成

於淡文章妙有神推袁誠怪事伯仲兩超倫 世網誰能脫飄然興獨賒山高雲亦懶樹

靜鳥無譁樓閣神仙地松風宰相家板輿花裏過深羨綵衣華 我亦名場客歸來倦世

途 聖朝無隱士人境有蓬壺愛惜修翎鶴調馴伏櫪駒休嫌門外冷臥雪本吾廬

呈隨園先生

毛 藻

沸耳鴻名五十年每懷高致渺雲烟校書天祿渾閒事種樹河陽亦偶然幾見朱顏棄軒冕

今知陸地有神仙小倉多少亭臺好便是蓬萊最上巔

和贈吳樹堂中丞韻

浦 銑

騎省華年賦嶺雲名園花木最紛綸文章不藉江山助風月都歸杖履春翰苑相逢俱後輩

桂林重到憶前塵當時健筆摩空處指點猶能告故人丙辰年先生在金中丞署中作銅鼓賦特薦博學補闕入都賦刻廣西書

筋力登臨覺尙優每逢佳處輒勾留誰能不遠六千里來證前遊五十秋名宦

志今五十年矣

略知餘白足

先生問金中丞惟南
蕭亭一老稱知之

殘碑儘揚付蒼頭

先生搜揚桂林
唐宋石刻殆盡

似聞欲挂湘帆去又向

衡山作勝遊

贈劉霞裳茂才兼呈隨園主人

林 鎬

阿難結習昔未空
天花亂落袈裟紅
摩登伽女攝入室
摩登戒體施神通
爾時佛坐須彌頂
放大光明照諸境
咒誦楞嚴祕密章
拔歸香界心悲哽
妙諦傾聽祇樹前
洗心皈佛佛心憐
至今號佛大弟子
白皙朱唇最少年
劉郎前身無乃是
玉貌人天盡歡喜
面藥香囊青雀船
六朝金粉秦淮水
淫女圍成肉陣遮
臉光不數摩登伽
五百毒龍爭一寶
三千魔樂獻諸花
劉郎身入燕支窖
日向明空抱花笑
不願同心錦瑟張
從他聒耳蒼蠅鬪
隨園先生今如來
海潮音動鳴春雷
驚起鴛鴦浴纔罷
喚將蝴蝶夢初回
蔚藍天上琉璃界
三匝兜羅重膜拜
絳帳親傳自著經
旃檀略授能持戒
新婚一月促登程
當作瓊枝一杖行
黃嶽蓮華凌海笑
羅浮仙蝶下山迎
歸來新詩滿囊橐
隨手明珠拋落索
先生手出青牟尼
笑與兜頭作纓絡
竭來吳苑看花過
虎邱玉蘭花正多
立向花前無一語
玉光蘭氣奈郎何
招邀側帽來遊鱸
繡閣朱門爭識面
苟令新薰衣上香
風姨恨不多吹遍
却愛芸牕坐校書
嬉春懶上小羊車
要知心地清涼後
已是人天分界初
從此聲名真不朽
名山事業居然有
衣鉢真傳不二門
拈花長侍瞿曇叟
笑我荒唐色界天
修羅剛學大乘禪
願分一勺醍醐水
灌出心頭智慧蓮

呈存齋先生三首

沈本陸

西冷才子到江東
雅望分明山斗同
獨起斯文高八代
何妨此老不三公
天開圖畫家園裏
人慕神仙陸地中
見說年華過七十
鬚眉猶似未衰翁
小倉水木最清華
官罷金陵便

作家老去風情謝安石少年氣概賈長沙囊無漢苑攜歸草園有河陽舊種花怪底閒身留
得住簪纓真不換烟霞 宏獎風流百代存詩人龍虎在隨園氣將蓋世誰爭席客果懷
奇自到門不爲宦途開捷徑直從學海探真源嗟余生傍周郎里曲誤翻邀一顧恩

簡齋太史重遊沐陽次韻奉呈

朱黼

夫君本天人薄謫墮塵界束髮文陣雄不意失一砦仍然小遊戲捧檄一而再四十六年前
此邦君所屈重遊豈預必訪舊幾人在卓哉藍田裔久辭高爵拜園林掃陳榻賓主老亦艾
鴻泥雖云偶飢渴則已太乃知三世緣不出六合外惟有地行仙往來閱人代 昔我遊

太學觀聽隨園橋南歸守青氈華髮盈飄蕭吟哦蚯蚓竅寒瘦同島郊夙聞山斗名不見心
空勞何期觀察公先生寓呂萊園觀察家客至將我邀親炙一朝慰劇談四座羃今人未可薄古人未

恨遙六一望玉堂如隔青雲霄我愧歐門士幸得從君招 依依桑榆景歷歷棠陰地懷

哉後會長莞爾前言戲人生難竟料再至或三至惟願人久長喬松挺而峙如何南轅發欲

去頻揮涕光陰百代客城郭千秋事青山臥自高黃河夢先濟傳之圖畫中重以文章記披

圖長相思讀文愈有味深情誰似君不必問當世先生畫重遊沐陽園爲文以記 倉山三十卷字字動

景仰妙手君不疲靈心天所養萊園感舊作高唱孤月朗歸途寄所思佳句成美餉郵筒今

復來四詩如指掌君才八斗許而我欠通儻矮人同觀場隨聲作欣賞乃更操紙筆不揣窮

於往只憶會晤樂一別勞夢想善歌使繼聲恕妄君或偷

奉謁隨園先生

張雲璈

才華祿命兩難并奇福如公孰與京天付瑯環爲地主從河嶽仰英聲畫屏共識江州面

剡曲終留賀監名見說門前多問字一生對客眼長明 文章如此合千秋萬里江山助

壯遊司馬始堪居洛下東坡何用乞常州片雲自護終南氣一石能迴砥柱流只恐藩籬窺

未得到門先看竹修修 小徑升堂許共攀置身直覺遠塵寰長棲花月神仙府更勝蓬

萊侍從班壇站直持千載上功名多擬五湖間我來欲下天仙拜豈為閒園一往還 靈

砂貯篋骨難堅自笑頭銜久不遷養鶴未謀田二頃當門空抱瑟三年何曾溫卷投光範合

有黃金鑄浪仙披拂春風舊桑梓已勝絲竹待彭宣

和隨園夫子見贈原韻

秦大士

白露時方屆青梧葉正飄門停長者轍篇遺謫仙謠逸響傳湘瑟和聲叶洞簫天孫一片錦

泉客五絲綃長慶應高壓松陵合遠超望塵慚弗及吟興暗相撩況索陽春和能辭抗手招

公才儷鴻鵠我智等鷓鴣學古傷遲暮懷人坐徹宵蘭亭修禊會梓澤致書邀綠酒傾千罍

紅鞵打六么風華推管領宏獎振清標擷秀羅珠璧噓生到篆雕為大士作秀才時論交如澹

菊佩服擬芳椒記在丙丁歲分馳南北鏢乞身藏霧豹戢翼隱寒鷗小印誇三絕雄姿敵十

驍盛名真克副謙德更無驕冰鯉供晨膳窗雞夢早朝老成周庾信博物宋劉昭絲竹且為

樂羹梅終待調鏡中新雪鬢篋裏舊金貂昨日逢開徑名園暫駐輶觀魚翻翠浪放鶴破青

霄棋賭楸枰勝談聽玉塵搖詩文恣跌宕身世儘飄飄聚散飛鳴鴈過從早晚潮不才謝簪

笏幾載溷耕樵近市居東郭經秋憶午橋曠懷晶宇闊洗眼俗氛消大雅從先進蒼顏識後

凋雲天心脈脈風雨境蕭蕭是孔方偕李非蘇孰和陶拙工疎意匠敗筆少情苗漏永肩頻

聳燈殘手屢挑錯刀勞贈惠敢謂報英瑤

入翰林後寄和隨園主人韻

程晉芳

四十年纔爲後輩交遊若此古來稀頭銜入手誠清絕書局留人未易歸老景直如冬景澹梅花又共雪花飛遙憐居士山窗下鶴俸猶分粟粒肥

和簡齋先生見贈

在廣州作

折遇蘭

我本學道人不作學道言逢公數問難往復不厭煩感公示真諦導河自星源高論如湧出隨地成波瀾往往創奇語箋疏盡可刪始知眞理學不外名士間庸儒祖濂洛土偶而衣冠鄉愿德之賊此語眞不刊當公初來時走謁不及冠到門重徘徊欲入足先轉懼爲賢者擯孺悲吾所賤豈期深相容一見憐狂狷贈我五字詩妙若廣陵散聞將舍我去天涯異鄉縣雖比未見優見反增繾綣公來難再期我往固當便浮萍無定蹤蒼狗須臾變何以慰相思好待南飛鴈

答存齋先生見贈元韻

蔣和寧

前輩雲霞契新詩江漢流手抄貽舊雨葉落正初秋俯仰人間世淒涼溝水頭自從協洽歲同上相公樓曾識先生於家文格處諧合針投芥飛揚鷹掣韝衣冠調楚楚喜詩有衣冠楚楚之句詞翰愛修修出入華軒共盤餐祕省留先生繕起居注於內廷當修書志館維時盛裙屐高會數更籌座上推文舉吟成說顧彪飛仙琴正奏殘劫局先收才子辭中禁臺郎作外州魂銷金馬客淚滴石鄉侯喜聽花封裏仍將月斧鏝政堪書竹册名早動珠旒樹色秦淮舫嵐光令尹騶相思春夢斷存問故人優我豈三生杜公眞六一歐一官叨後進兩陝慰良遊却纘江干棹言尋郢雪謳芙蓉開正好萱草樂忘憂携手濠梁伴披襟元禮舟崇朝旋惜別嘉會更無由北固欣重見西窗話

未休何圖立仗馬忽變服車牛恩怨曾無與榮枯悉自求鴻猶飛冥冥隼乃擊咻咻州小住揚

刻被恩重臣難報才庸友所羞到家門盡掩吹簫歲重週方擬庚申守誰知丁已諷蒙高相

南巡斯之吾未信尚矣古難侔恰幸依通德長容謁太邱門生同問字僮僕不知愁味可羹

盛典湯學詩堪格律偷低回思往事飄忽詎人謀髭鬢嗟何暮膏肓且少瘳山中萬綠淨屋角亂

紅稠一日雲龍逐千秋志願酬新知有佳士謂竹巖鐵吾道不孤不

虎邱和簡齋同年見贈原韻

沈德潛

齷齪休教溷乃公胸懷夷白想光風攝山巒嶺家園裏曼倩剛方諧語中學道自能平砣礪

觀空轉復擅明聰來吳欲訪工詩者旗鼓何人角兩雄 大羅同日賦咸英鈍拙今慙漢

馬卿會比香山儕九老班聯詞館憶三生青鞵布襪供遊覽漁弟樵兄識姓名良友傳書寫

方曲和風披拂不勝情

丙午五月夜宿小倉山房

張誠

徑走金陵訪謫仙隨園原是洞中天相逢一笑渾如舊始信三生別有緣談久不知春滿座

醉餘更見月當筵今宵剪燭陳蕃榻飢渴情懷慰十年 八斗才名蓋九州當今此事竟

誰侔少陵詩句無雙價吏部文章第一流雲水散仙思入妙幽燕老將力逾逾青山要借如

椽筆歲歲相招賦壯遊 小棲霞列暮雲屏石徑溪橋取次經萬竹玉抽香滿嶺六松虬

結翠為亭草頭富貴臧嘲獲世外林泉影贈形鴛水鶴湖公訪舊並無一個向晨星余外伯

山外祖六翁家伯鐵珊皆九霄珠玉落塵圓直送西登劍閣關先送行一夜分明宿

先生友也今無一存者天上來朝依舊走人間似公國士知能幾愧我平生學未嫺別後峨嵋嵩華頂時余將由相

思如見小倉山

答簡齋先生寄贈詩扇

梁同書

錢送層樓隔暮霞小倉巖憶寓公家通波忽遞魚中素別緒難忘陌上花外集樊南編甲乙名園江左占清華湖山不得攀公住曾惹閒雲逐後車金陵扇骨仰家鑄寫寄新詩句似仙賤子慙為孤鶴立先生導我白鷗前追陪兩度移雙鬢隔關經年又遠川循誦華牋無限思涼秋烟月自蒼然

展謁隨園夫子

彭翥

一徑綠陰入都忘城市喧到門修竹色繫馬古梅根直是遊蓬島何期遂晤言升堂由也果今日到隨園玉貌仍當日芝雲悵六年喜隨鳩杖後轉在鴈書先去冬今春兩寄舊雨聯紅豆春風及翠鈿開新收女弟子甚衆客衣塵爾許都染落花烟

子才前輩過訪草堂見示遊天台鴈宕黃山羅浮諸詩流連竟夕喜賦 趙翼

薄暮君忽至令我喜欲顛與君兩年來書問月幾筵終不如見面快吐所欲言何期有今夕把酒明燈前當年驚蛺蝶逸態猶翩翩鬕鬚雖已白狂過惡少年醉後起談鋒巖電目炯然妻孥亦驚咤私矚門隙邊不知見才子但疑老神仙 趙州年八十打包始行脚君亦近七旬忽思訪名嶽攬雲黃海深看桃天台灼旋支廬阜筇復躡羅浮屨攀崖臂為猿穿松身化鶴顛趾偷不虞齧粉付一落求榮求利耶為此童騃樂及歸倒錦囊奇句森歎薄青山千萬古生面一朝擴始知此老黠重輕早自度好詩拚命換雖癡固未錯 我最愛君詩君亦愛我句他人豈不賞不著痛癢處惟此兩老翁交融水投乳情為成連移曲經周郎顧中

宵姑婦棋數著局已悟徐夫人七首不待血如注賞奇意也消中病手無措微言澹相對銀河耿斜度僮奴侍兩旁不知是何故但覺雙白頭燈前點不住

寄呈簡齋先生

彭光斗

蓬瀛仙客渺人間小謫塵寰鍊玉顏天遣別開詩世界公還厭話舊朝班六朝人物東西晉一壑雲林大小山聞道十洲遊覽徧懸知歸臥掩松關

心似牟尼舌廣長仙家端愛住

清涼勾當風月排吟卷管領湖山作道場一歲鄉人甘北面光斗長先十年彼美望西方何時得放青溪棹排闥搥衣奉瓣香

小詩寫似簡齋先生

孫華

宦海烟波帆正發忽然微笑謝簪纓山中泉石勞經濟白下風騷有正聲得句總教異流俗到門不覺失公卿尋常談笑皆超絕天馬空行自一生

贈簡齋老同年

成城

袁絲老未減風情世外餐松體更輕一笑相逢猶跳躍白猿端的是前生此仙言君是峨嵋山白猿後美仙果離奇出海中遲兒生得氣如虹聲名太盛功名薄底用聰明似阿翁

呈隨園夫子

鮑璉

高人性本愛山居結搆茅齋十畝餘門外自饒三徑雪花前時擁百城書種樹殷勤已廿年樓臺層疊染雲烟天機清妙慙裴迪也許看花到輞川

端州府署呈子才丈人

楊國霖

龍馬精神六十九五千里外嶺南走搜覽名勝有餘閒志在悅目與悅口悅口荔子味尙酸

先生到學 悅目珠娘容盡醜 荔子到底有甜時 珠娘醜外恐烏有大抵世事每如斯 難向
此中爲細剖 蘭坡肴饌本平平 星齋用古竟否否 不如靜聽長者談 一笑各浮三大斗 星齋 馮楊

觀察集用典外錯爲先生所剝而先生極奪霖肴饌

呈簡齋先生

孫韶

舊是蓬萊玉筍班 偶銜丹詔下塵寰 冲霄翮本搏風上 出岫雲偏抱雨還 四季花開江令筆 半生心愛謝家山水晶樓閣 分明在翹首龍門迴莫攀

戊申三月簡齋先生枉道琴川游讌之餘奉呈一首

吳蔚光

先生海內地行仙 忽繫仙舟琴水絃 文酒正宜三月裏 湖山可勝十年前 姓名貫耳疑已古 著作等身知必傳 放出看花雙老眼 莫云鬚髮盡皤然

呈簡齋太史

疏枝春

我聞古小倉天與神仙家 仙人一長嘯 半嶺飛青霞 瑤草自春色 松風開古花 何時訪靈笈 問道水雲涯

呈簡齋先生

江藩

公才如大河從天下注地 一瀉一萬里 氣可吞淮泗 不屑事章句 讀書通大義 發爲古文辭 畢天下能事 徐庾作奴隸 韓柳亦愕眙 文章見性情 經史供驅使 讀者眩生花 作者實游戲 仁者見爲仁 智者見爲智 高論法漢魏 稍卑宗李杜 此皆詩囚語 擲拾前人吐 作詩寫

性靈 何必立門戶 公詩通造化 揮灑天花雨 藩籬破腐儒 靈音振聾瞽 並驅蔣 心餘 與趙 北

生 餘子何足數 大哉詩世界 公作風騷主 置身天地外 安得不千古 垂老不佞佛 居山

不學仙出處任所之萬事皆隨緣休官築別墅六朝山色間園中花與木亦各全其天看山
行萬里縮地至海邊詩文到佳處往往如參禪方知仙與佛公體早兼焉 昔我年二十
拜公於山塘十年復見公仍在雲巖傍春花正爛熳月照琉璃觴十二日公在過鬚鬢白於
雪欲花爭月光望之若神仙剪水雙瞳方聲名牛斗懸四海所仰望嫫母不知醜技癢呈篇
章定當拜牀下私心拈瓣香

晤簡齋先生賦呈

吳兆龍

一代文章仰鉅公性靈揮灑古今空盡包典籍開生面別有精神奪化工寫到黃庭剛好
拈來白傅偶然同隨園咫尺如天上幸許風雲信一通 地縮雙湖聚景賒翠微深處小
棲霞亭臺曲折書倉隱水石玲瓏柳谷斜高座自修千古業游人爭看四時花我來正值芙
蓉候開遍山巔復水涯

喜簡齋先生重過邗江

法嘉蓀

靈光嶽嶽峙中天邗水重來健似前早已姓名知婦孺果然人世有神仙千秋業竟難窺管
四海才都願執鞭莫慮維摩時抱疾耄年猶是未衰年時來邗 讀罷倉山百卷清一篇
一字總天成性靈獨造輕餘子杖履曾陪幸此生雅諳亦堪消鄙吝詩評何異掌鈞衡自慚
久坐春風者十載方申仰止情

將反姑孰呈隨園先生

陳用光

昔年未識公謂公爲古人不知公年少才氣當誰倫去歲讀公書失喜見顏色生幸公同時
如何不相識昨者初投刺意決行趨趨公相天下士而我誠何如寸心持猶豫罷歸復不肯

度公愛士心洪鐘感寸莛揖拜上高堂幾日歡宴同揮塵香雨散開襟天宇空安得橫經席終歲坐春風

柳子論服氣譬之琴與書師心無所授擗埴譏索塗平生風雅懷安欲蠡測海游蜂鑽故紙那得大自在因讀藏園集

手評我所作濃墨生成行巧匠乍斲鼻驚馬初服箱去鑄賈島隨園一瓣香

寄贈簡齋先生

吳鎮甘肅

子才才子近無倫謾說中郎有後身橘老不踰京口化梅寒曾記隴頭春音傳魚鳥情何極夢想湖山景未真却羨江寧王少府隨園猶得望清塵

湖樓喜晤簡齋先生

葉紹棿

先生七十鬢眉蒼捧袂樽前接古香著述已該周柱下典型真羨魯靈光蒲鞭治績傳花縣錦瑟年華憶玉堂生得從公忻未晚焦桐今遇蔡中郎

豈乖生已達觀歌楚些老猶強記續齊諧偶談舊雨人俱古能坐春風客亦佳萬古金陵名勝地天心鄭重為安排

無風月有緣花作障文章如海筆為桴

添穎士奴勝事更應誇白傅丹山老鳳重將雛

寫性靈差見我甘稱弟子為逢公研經許立程門外得句應編杜集中千里追陪定何日秣陵烟月一樽同

前題

前題

任康

望氣已知天上宿入門惟見古人風池涵樹密深沉綠橋引人行曲折通兩鬢雲霞堆五岳

一園詩酒傲三公華陽瀟灑知章達千百年來遇此翁

呈隨園先生

王光晟

自作一流人道然絕點塵共稱金馬客曾現宰官身
皎挂江城月清留菡屋春卅年遺善政猶復說津津
夫子誠高曠園居靜且閒奇文驚海內妙句重人間
獨占林泉勝都將塵俗刪更饒游屐健蹤跡遍名山
飽讀倉山集全將茅塞開空靈鞭鈍骨挺拔見仙才
聲似鏗金石光疑走電雷挑燈三復後願學脫凡胎
萍泛來江上紛如應接繁不慚爲俗吏且喜近高軒
問字容迂拙登龍快晤言春風時拂拂入座被和溫

喜晤簡齋先生

龍鐸

主持風雅魯靈光大手誰能似小倉我向先生問奇字
人傳昨日到山塘拏舟穩擬成高會扣戶纔知往上方
歸念行舸應過此此邦耆舊正相望江東閨閣爭扶贊
海內名流願討源解組彈冠先到岸佳山好水日當門
二三萬里乘幽興七十餘年無愧言耳目聰明身利便
神仙猶遜此飛鸞

前題

汪鯤

百年牛耳踞騷壇翹首龍門欲上難今日重逢頻慰藉
殿春花待老人看自慚鼓瑟學湘靈未遇鍾期眼執青
願乞倉山詩話稿逢場說與叟師聽

前題

方溥

小倉山畔路盤紆名士閒來關數區水石疑增元圃勝
林巒不讓輞川圖門陰翠色竹千个座擁牙籤書幾廚
大雅扶輪人共仰評詩日日到西埔

虎邱卽席呈簡齋先生

談炎衡

雙屐穿雲陟虎邱，寓公文讌集朋儔。爭先問字誰甘後，排日論詩語未休。三徑月明燈影淡，一庭花落酒杯收。不知鄴下應劉輩，嘉會當年似此不。

飲醕自是分才偏，得斗但開覺路不。迷津山榭受削原，無用土鼓隨聲漫自振。早識公門桃李盛，更叨餘蔭及芳鄰。

公門下士范瘦生林遠峰與余鄰近因得見先生著作

寄呈簡齋夫子

蒲 牀

曾詣平原燕瓣香，借聞仙樂辨霓裳。林問字於趙松齋先生曾以小倉山房全集見示親逢李郭生同世，願把歐蘇

供一堂。冬嶺松偏榮，晚歲秋山葵。獨向朝陽先生披簡應，微笑子夏門人謁子張。自開

生面掃羣言，各冠三家比嶽尊。海內奉宸蔣趙為三大家四海才人爭御李，三朝此事首推袁。山中宰相

華陽館洛下，先生獨樂園。羨殺小倉山，景闊萬株桃。李護龍門，到處留題畫舫輕。天台

鴈宕挈家行，自憑慧業消清福。天與閒身享重名，六代雲山隨杖履。一園花鳥盡聰明，神仙

澹泊公卿苦修到，先生定幾生。私淑名山心最殷，韓識無分愧風塵。大江烟雨空搔首，曠代文章許問津。何日徑尋千里約，昇平應有百年人。新詩願當侯芭酒，遙祝雲亭歲歲春。

七律四章寄呈簡齋太史

何 道 生

好語傳來挾纊溫，便疑身已謁龍門。愛才到此真如命，知己從來勝感恩。舊雨關心先送信

詩亭給諫以先和風著物妙無痕，靈光今日惟公在。可許心傳與細論，遲踏紅塵五十

生手札見示年望公不啻古神仙，忽煩一介通消息。想亦三生有夙緣，小草總歸春長養。瓣香竟荷佛矜

憐，平時雅抱推袁意。矢願於今念益堅，鴈生落筆想千秋。姓字深懷沒沒憂，慚負頭銜

稱水部恐無福命見荊州虛名自笑黔驢技枉顧徒勞冀馬求許署隨園詩弟子此生端不羨封侯
呈詩未敢學任華恐笑書生語太夸寄日封題如束笋到時風物正梅花耽吟笑我堪稱癖宏獎疑公或嗜痴惟祝金針遙度與焚香再拜向天涯

呈簡齋太夫子

王汝藩

春風植桃李愛花及其子孔氏諸門中往往列喬梓憶公宰江甯家君捧杖几遙遙四十年門客多朱履不謂稚子長復蒙公礪砥醉我以巨觥衣我以文綺形隨影復從口講手復指時蒙提耳呼欲我應口唯庭前多玉樹許我蒹葭倚壁上富詞章許我紗籠擬自覺文未工不覺頰有泚兒時讀公詩高風已心企年來遊公門踴躍作狂兇如視山水奇窮高更極底如聽絲竹音含宮復嚮徵他人託門牆廁名卽已喜而我受重恩兩世猶未已才也養不才拈花傳妙旨門下有門生於今又見矣憶家宗伯公荒塚存蒿里煩公作碑銘生氣猶滿紙謂公侯子孫將必復其始承公期望深報公何所以願掘九仞泉不敢一簣止願守一瓣香永把寸心死多彈伯牙音再證鍾期耳庶幾千萬年隨公列青史

下榻隨園呈簡齋太夫子

王汝翰

誰與金丹換骨來置身今已住蓬萊放懷鄴架酬飢渴開眼蘭亭任溯洄三度雪經程座立幾回樽爲戴生開詎知桃李門牆滿小草翻蒙著意栽
喜住名園侍絳帷毫端日送峻

烏馳爐香繞座春常早花氣薰人久不知得士有時飛札報

公與王步樓太攤書鎮日對牀

披夜深同聽三更柝恰似孫徒祖課時

偶向柴扉半日行蓬蒿門徑記分明耳邊豔羨

聽人說身上烟雲繞袖生略話平泉新草木劇談白傅近心情歸途有月甯嫌晚半道還逢

小隸迎

子到館稍遲先
生必遣人相接

竭來便作擁花仙日日黃梅蕊下眠家近自知離別少天晴尤

覺往來便僕推主意多相愛鳥聽書聲半結緣安得竟忘塵世想此身長住大羅天

爲我一日留奉贈隨園先生

祝德麟

十二讀公文二十誦公詩讀文在黨塾誦詩在京畿安得如斯人容我長追隨盟心竊自覲
見面未可知閱歲次戊申銜恤返荆扉執友王夢樓下榻辱繫維我與談恨事太息良緣乖
話言未及了剝啄聲喧逐問客從何方云是袁公來如夢喚初醒拍牀叫絕奇但得一握手
那惜邂逅遲從茲頗自負已識元紫芝會難別太易往復憑書辭寄書每不達南北徒相思
春秋十度換薄宦初解龜歸舟抵邗江謁我甌北師壁間黏素紙細讀乃公詞索人生挽句
逝將告別期使我魂夢驚豈公有先幾明知荒幻話日日生猜疑嗣詢李太守雷圃健飯如
常時此老人中龍變化無端倪天公置度外聽其人間嬉不到蟠桃熟未必肯召之聞此意
方釋思復接容儀閨夏梅雨歇暮鵲噪庭枝邊韶睡正美李膺舟忽移籃輿徑惠顧顛倒披
裳衣觀者如堵牆婢僕皆竊窺主能致神仙當亦非凡胎爲我一日留更足感交私雲間諸
佳士聞風競趨陪雙眸爛巖電一笑塵林巖論詩破鬼胆說士甘肉脂復談遊歷境堂上起
屣屣旁及烟花趣香風吹鬢絲憐才好色心愈老愈不衰見有此客不四座咸解頤自徐來
此地風雨歎孤羈足音聽楚然便開空谷眉況復南極星下降江之湄追攀雖不能庶足慰
調飢退閒無事業躬耕謝鋤犁惟此長吟興以爲送老資敝帚敢言享南車藉指迷垂白喜
再逢非公尙誰歸時以庚子已來拙
稟二十卷就正拙

湖上喜晤隨園先生

左 壩

髻年曾讀小倉詩，此日相逢恨已遲。
白髮還鄉因掃墓，紅妝負笈爲尋師。
湖邊花月供遊賞，海內文章仗主持。
不識程門三尺雪，可能容我立多時。

贈隨園太史

周長發

同歲詞科辟如君，得幾人空濛懷舊境。
磊落鬪清身，地以苔磯靜。情惟釣叟真，烟波三泖路。
孤棹領芳春，窈窕多林藪。幽深倩畫圖，松間眠一鶴。
汀際漾雙鳥，命酒香初泛。端居興不孤，此時秋水闊。
手掬洗高梧，樹對千章碧。山擎一朵青，名園金籬窳。
好句玉瓏玲，竹雨清無滓。松風自可聽，翛然胸次豁。
爽氣入疎櫺，風雅盈壇坫。誰將姓氏標，經箋王輔嗣。
酒蕢蓋寬饒，花圃懸棚覆。瓜哇接窻澆，園丁多日課。
長晝個中消。

前題

汪汝弼

久識東南有歲星，小倉今日拜儀型。
才同班馬驚猶在地，是娜嬛喜乍經。叩戶山中仙鶴應，吟詩江上老龍聽。
徘徊未即投名紙，貪看雲峰六代青。弱冠爭傳入洛名，一時倒屣遍公卿。
早辭組綬還林壑，老學耕桑報聖明。紅粉有人稱弟子，青山到處屬先生。
蘭成新宅棠陰古，愛聽遺民說政聲。半似天仙半地仙，盛名清福世間難。
等身著述空千載，於我浮雲擲一官。曠代誰標才子號，聞名都當古人看。
平生願見心多少，每把詩篇坐夜寒。濟濟雄才學海中，可容執簡侍春風。
瑤林瓊樹慚王衍，絳帳金釵憶馬融。天假餘緣留待我，人如大壑必朝宗。
從茲歸去無他樂，贏得今生眼界空。

前題

陳毓咸

嘯傲昇平數十年，宰官名士又神仙。
已超萬古塵沙劫，難了三生翰墨緣。
眞愛才如縻好爵。

最耽書似種良田少微星本關天象夜夜光芒徹斗邊
不願榮華願隱淪偏於世外葆
天真微之宮禁稱才子魯望江湖號散人若到金門皆後輩定知玉局是前身色空空色何
須問一任維摩說淨因

前題

孫原湘

先生小謫玉堂仙宦海抽簪五十年屈指已無前輩在及身早共古人傳險搜奇境歸詩卷
老著新書當俸錢書先生每著一書購者如市持較樂天應一笑曾經少作達生篇
歲歲梅花夜夜簫

才人奇福竟能消黃初詞賦空千古白下家居愛六朝地有文星爭快觀客如明月不須邀
誰知陶令歸來日反使公卿盡折腰
看盡名山面目真一園邱壑更翻新飛橋界水成

雙鏡放竹爲雲護四鄰健筆獨撐詩世界鴻才小試野經綸從知地亦難消受著個文人作
主人

前題

張鉉

海內鴻名沸耳傳深情仰止廿年前識荆始遂平生願立雪曾虛曩日緣王寅仲春詣隨唱
玉聯珠佳子弟謂張君香巖朱顏綠鬢老神仙人間清福憑消受兩度尋真入洞天天時再遊

春風絳帳啟西湖名媛分經列座隅才思汪洋同海闊游蹤洒落與雲俱三生慧業千秋在
六代鶯花冊載娛今日樗材親杖履可容負笈問奇無

前題

孫昌時

瀟洒襟懷絕世無隨園家慶倩誰圖詩成自有名姬寫醉後還憑幼子扶四季烟花隨杖履
三山風雨入松梧壯齡已定辭官計早脫烏紗是丈夫
虛懷若谷論持平大啟龍門集

衆英才女盡爲詩弟子名流多是老門生
弁山翁似倉山叟秋帆尚書曠代人居六代城
得侍絳帷甯恨晚廿年私淑久心傾

前題

顧澍

興來偶泛剡溪船得領清談軼晉賢
有句共傳天下口無人不羨地行仙
三春爲惜鶯花老十載重尋山水緣
此地頗聞堪蠟屐從遊私擬執吟鞭

蔣心餘先生呼隨園爲詩佛余爲作歌

金兆鵬

當代詩仙太史蔣筆餐沉澗凌雲上
紺瞳從不安垂青獨見隨園頻合掌
指爲詩佛稱名奇吟壇萬頃包須彌
文林馥郁旃檀列學海汪洋寶筏施
生來智覺空諸有更加面壁神功久
牟尼珠瀉錦囊中百八何須持在手
昔年曾現宰官身逢場說法完前因
便從風雅參三昧還淪心源淨六塵
愛覽名山觀自在山中老宿焚香待
雪濤千疊入天台風雨一航浮嶺海
小倉幽寂離塵埃近連淨土清涼臺
空山無人雲結蔭水流汨汨花枝開
諸來參者冠裳列法門廣大憑探閱
龍蛇混雜詎無分一片婆心指點切
有時硯凝甘露漿有時墨洒般若湯
有時粲吐蓬花舌白毫揮洒成文章
何人傳法律生龍活虎蟠椽筆何物
爲裝巖精金玉鑲瑤函我昔來參求
棒喝躬依講席心神豁瓣香敬奉誓
平生俯首皈依求解脫詩佛門牆多
弟子夜半傳衣道得矣何時詩佛請
詩仙聽說人天絕妙旨

上隨園夫子五十韻

黃世瓊

龍飛開壽埠百四十餘春誰擅無雙譽
公爲第一人筆能搖海嶽名欲動星辰
叔子知前世香山認後身鴻文原共寶
鶴髮漸如銀公昔年方綺人驚席上珍
鴛鴦詩絕妙鸚鵡賦無倫

先生以銅鼓賦受薦 薦瀾封章僅推袁意氣真 九章簪筆入百辟動容詢 先生弱冠召試河

縱識終軍鼠猶懸子夏鶉敝車何輟轅冷炙亦悲辛倏忽風雲起飛騰尺蠖伸玉堂金馬選

翠幟錦標掄日影花磚靜鈴聲鏢院勻恩榮趨梓里好合詠桃綦 先生乞假歸娶 遇較藍橋美詞添

翰苑新神僊還小謫法界閱微塵虎繡辭丹陛鳥飛到水濱潘花陶柳盛謝月宋風鄰化洽

棠陰美風登太古瀉有誰官愛熱斷識吏書循偶爾求初服翩然謝要津小人原有母故土

乞垂綸北背萱高蔭南陔黍潔陳神君成逸士孝子即名臣身退書重讀才雄海可埋汗牛

文百卷搏象力千鈞曠代推文獻何人敵楚秦江河流萬古日月煥由旬定自關元氣其間

有夙因小倉長隱几大雅藉扶輪問字階前滿香車花外巡美人稱弟子 孫雲鳳等十三人 元老喚

嘉賓 相國高兩 庭種槐成市門驚鵲噪晨朝川精結構金谷關荆榛樹用培人法花同弊吏甄

有時催畫鷁遠道跨文駟勝水名山去餐烟吸露頻荔支紅入粵茶葉碧盈閩黃海猿公笑

天台玉女嘯詩翁誰不識蟲豸亦相親弟况僧彌匹 謂香亭太守 兒看驥子駢螭坳欣共上鰲背

佇高踐賤子班慙荀浮生勞類薪塗鴉常草草執雉久遠遼無分傳衣鉢空思學組紉視期

桑共斷玉匪肸能磷略紀先生實微通小子忱十年慚立雪百韻當歌豳敬把心香爇春秋

祝大椿

喜隨園太史至揚州

洪錫豫

久聞栗里驅車出善向茆檐擁篲迎落手湖山多勝賞 時先生重遊天台由 隨風珠玉見深

情顏無藉駐身彌健杖不須扶步更輕雅集幾回叨侍從一時佳話播江城 吳門而至邪江 里詞敢向

郢中投小草甯期藥籠收自賦高軒矜一顧况從絕業附千秋 隨園尺牘錫 筵開草具殊慙

豫製賦鷓

陋篋滿琳琅愧莫酬惟待梅花春訊早小倉山外繫扁舟

承召來春赴隨園看梅

喜隨園夫子臨蒞淮浦

陳熙

杖履疑從物外臨連朝官閣集朋簪長生不學神僊術見佛皆生歡喜心小別經年如一瞬

少留片刻直千金隨園圖與同人集每念師恩感不禁

余年十七公畫入隨園雅集圖選續同人集收拙句尤多

簡齋前輩約自維揚來訪遲之不至以詩迎之

劉啟昆

留得烟霞自在身何妨下界踏紅塵折梅夢到消寒館

來書云赴洪氏消寒之館

控鶴飛來臥雪人一榻

清風迎劍履十年舊雨悵參辰茱萸灣畔青蓮舫日暮浮雲起遠津

安排牀下拜龐公

預想迎門走孺童鳩杖東南推國老蛾眉弟子拜詩翁

團秀多執業者

異地同浦屬君家應小住

清江浦一

驪駒休遣唱匆匆

喜隨園先生過訪

同家大人作

謝學增

四年十

花下交三九袁公浦上來呼童先煮茗留客且銜杯却杖籃輿出論詩笑口開不妨成小

住常奉謫仙才

前題

謝學壖

二年十

江頭梅信到有客住高軒得奉東山杖欣開北海尊驚人句慚謝此事世推袁入座衣香

繞新詩許討論

壬子仲冬喜隨園先生至邗過舍小飲

儲潤書

每嗟問字阻江烟忽迓安車喜欲顛拂拭猥蒙先衆客康強逾覺勝前年傾囊獲見珠光耀

冊時見各詩侍坐還看玉筍聯

霞巖香廡

祇愧山蔬兼魯酒敢攀杖履當開筵

如椽巨筆障迴

灑光炤驚人萬丈看四海咸思望顏色一尊何幸奉盤桓題糕頓見傳閨媛先生以蕭美人糕餽奇中丞各

賦一詩吳便思十日待平原淮浦偏看鷓首騫立雪有人操几杖時陳梅岑司馬遣采風曾不異輜軒人太史製序畫餅還邀列食單之探入隨園食譜

地經雅集都增色天為清遊特放暄後會更蒙堅訂約梅花時節叩名園

癸巳二月初旬隨園夫子路過京口寓佩香女史家小住七日別後賦呈左 壻

聽說公來喜欲顛相逢情話倍纏綿深慙門下閒桃李得領春風已一年 六郎才貌最

清華負笈同來女士家老去風懷猶未減還從霧裏看蓮花調香 月光燈影滿西堂賓

客紛紛置酒忙賴有閨中諳食性朝朝洗手作羹湯 苦留七日太匆匆纔聽還山欲眼

紅暗把金錢買舟子幾回假報石尤風

同魯星村汪漁村謁隨園夫子讀遊黃山詩賦呈七古二章

君從黃山歸我來訪君雲滿衣我是黃山山下人不得同君凌翠微君看黃山峯奇峯多被

山雲封大風吹雲峯忽見我今始對先生面七十老翁踏金鰲遊山歸來不覺勞談詩說鬼

兩不厭清言滾滾翻波濤漁村星村詩中豪出門同嘆先生高 一燈三人分爭讀先生

黃山詩三十六芙蓉開卷如見之靈區咫尺未幽討讀先生詩驚絕倒家在岷岡旁琮璜乃

為他人寶我歸定擬登天都持君詩向山靈告

讀隨園先生全集賦呈

古人所有公盡有三唐兩宋皆前型神丹一點物俱化皮肉脫落存精靈轉華不為法華轉

開遮湧現誰能肩庖丁解牛以千數其刃猶若新法硯外間不識謂遊戲何啻嘲龍有蝦蟇

法式香

及會頁 十四 一密 易 堂 賦 反

造物生機常不死春花葉傳芳馨我願世間才子棄故技更授要道如夢醒寶此一編誦
萬遍腎腸心腑皆瓏玲遺言用意自絕俗何用瑣屑摹擬衣冠優孟亡君形

讀簡齋先生小倉山房集偶成二律

崔龍見

卅年相慕未相親此事推袁久屬君江左風流王仲寶人間春恨杜司勳花開上苑優曇現
名享千秋海外聞循吏儒林早論定笑他撼樹螻紛紜高麗使臣樸家齊以重價購全集仙才早拂釣

鰲竿信有江山勸挂冠灞岸柳迎三輔曉秣陵鐘帶六朝寒舊遊鴻爪都留帙投老羊城尙
據鞍游時先生學返棹媿我白頭歸萬里予從巴蜀歸擬執贊隨園而僑行者遲促解維春風只向卷中看

呈簡齋先生四首

胡永煥

翛然物外著閒身落筆超超絕點塵二百年來無此作六朝山裏有斯人聰明得福誰云少
風月移情自有真羨煞園中閒草木落花流水四時春 弱冠詞臣也白頭生平佳話摠

千秋名將麟閣公侯並詩有雞林賈客求香媛爭行門下禮好山都向暮年遊傳聞海外仙
龕築還憶蓬山頂上不 金石文章世共推也懷私狀乞題碑遠慚裴令酬千絹肯比林

宗溢一辭先子有靈應不朽喜心無限轉生悲傳家第一倉山集便是當年祖德詩蒙為先子作墓銘

王通門下荷裁成詩可更聽安昌絲竹聲舍人兩處風流憐後起千秋絕業屬先生

前題

胡岳

六朝風月一家春聲價千秋定此身隨口詩篇皆絕調及門弟子盡傳人儘教山水消清福
多少公卿拜後塵我謁靈光還未晚先生年老更精神

奉題小倉詩集斷句七章

祝德麟

東方紅日照扶桑手攬麒麟下大荒我讀公詩如讀史能兼才學識三長 筆鋒劍作雙

龍化思路珠穿九曲通剩有三生情種在不教一字古人同 七竅玲瓏萬象虛人文俱

似馬相如却愁毛鄭功臣在難註人間未見書 老斂才華境更寬波斯巨舶泛洪瀾騰

騰寶氣衝霄漢不見珊瑚間木難 樂死無過王右軍謝公行處妓隨身問渠何福能消

受不是青山即美人 每逢岳牧句紛投肯以諛辭結貴游但向隨園門外過公卿誰敢

不低頭 一生清夢繞蓬壺不愛王喬颺葉鳥試問石渠金馬彥百年來有此才無

呈隨園先生

施德燮

香火情深信有因先生年老更精神文章卅卷推當代白下千秋又此人一宰官聲隨處誦

小倉山色四時春自誇老去還多福猶許從容拜後塵 記得尋春興未闌當年曾幸識

騷壇靈光殿古傾心久通德門高一見難 丙午春予尋春到隨園未得見先生 驥縱空羣偏恨老琴逢知己

尚思彈敢將下里巴人曲獻與 明公仔細看 詩時以莫愁湖呈政

寄贈隨園先生 有序

福康安

余自束髮時即耳隨園名知為當代作者而南北相睽不得一見心輒向往甲辰春

扈從金陵思隨園適奉 命他往遂不果今又將十年矣向見隨園詩話新齊諧二

書雖遊戲之筆而標新領異已遠勝滄浪虞初諸書攜之行篋把玩不置茲來衛藏

軍事之暇適補山相國瑤圃制軍咸共朝夕談次時及隨園和希齋大司空攜有小

倉山房全集因得讀之才氣浩翰茫無津涯快為目所未覩余于役萬里征討絕域

出青海而晒碣石登昆侖以睇星宿復過衛藏以西數千里歷古未通中國之地殊形詭狀不可臆度惟隨園之才庶幾彷彿似之竊以余髫年侍直禁廷不及讀中

祕書遊歷幾遍天下所過名山大川竟未能著所聞見形之詠歌隨園之詩乃不禁

怦然動也聞補山相國適有扎覆緣附成四律以寄亦以見傾倒之有素爾

獨開生面領騷壇萬首詩成墨未乾傳世何須一品集買山肯戀十年官諸天歡喜隨緣住

泛宅煙波著意看曾是六朝金粉地此中容得老袁安敢誇旗鼓兩家軍蹤跡原如歧

路分客過元亭長載酒我從東野願為雲聰明自占無雙福翰墨先收第一勳知否有人三

藏地把君詩卷佛香薰曾識仙人紫閣中披襟玉殿對和風士逢知己心難忘誅善

言情讀忍終公集中有先文忠君早歸田真作達余慚專閫又從戎鴈行亦有相知雅獨恨神

交路未通我齋侍衛四首五嶽游成杖復撐壯懷仍似少年時赤城天半標霞綺隨園近作

天台鴈蕩之遊粵嶠春深擘荔枝數年前聞跌盪未教閒屨屐逢迎到處識霜髭小倉山畔梅如海

踏雪還將與鶴期

寄贈隨園先生有序

和琳

隨園先生為當代龍門余耳其名無由一見得小倉山房詩集讀而愛之攜置行篋日夕玩詠不輟得詩二首以誌服膺之意錄呈教正

不信紅塵裏神仙攜眷居曠觀百歲事大隱六朝墟天女皆從學問多女弟子梅花伴讀書隨園有梅

七百株皆手植也世間饒熟客應亦薄金魚數卷倉山集先生道性靈錦心羅萬象妙手運無

形侯合依前席彭應侍後庭因緣知有日天不墮文星予向慕有年自合在弟子之列今先

日教正有

贈隨園太史

德福

早辭組綬占文場天授奇才老更忙兩晉風流歸咳唾三春花鳥費平章
搢紳請業賢方許卿相論交貴且忘宛似富春山下叟客星光動水雲鄉
春風千里策長筇絕好鶯花到處供一帶水聲迎畫舫六朝山色識仙容
金閨執贄都嫌晚林屋藏書待啟封方請先生遊林屋洞
日湖壩邀玉趾頓教俗吏也登龍

呈隨園先生

王岱

占得金陵六代春澗阿松老棟梁身幽閒境闢羲皇世著作名疑魏晉人才比
大蘇情更勝詩同白傅意尤新平生風趣前無古不獨當今邁等倫

寄贈隨園先生

裕親王世子 思元主人

久欲瞻韓恨未能隨園佳勝想攀登謫居仙客蓬萊住曠世雄才海內聞
百尺樓臺千面鏡一山花鳥萬枝燈他時得識先生面使我精神亦倍增

讀隨園詩文集寄贈簡齋先生

吳承禧

夙慕隨園老風懷迥絕倫鳴琴古儒吏作賦舊詞臣結屋青山裏移家綠水濱
耽書消宦味下筆任天真適意煙霞慣忘機鳥雀馴雄才足空世奇句不降人
元亮徵前契香山認後身管絃行樂慣醺會賦詩頻窗竹千竿密林花四季新
名賢資月日髦士荷陶甄簾捲飄紅蝶溪清泛錫鱗安閒殊石隱高曠近天民
我擬通鴻鯉公堪比鳳麟識韓空有志御李意無因玉塞鶯花晚金陵草樹春
何為趨講席撰杖日相親

Faint vertical text columns, likely bleed-through from the reverse side of the page. The text is mostly illegible due to fading and ghosting.

續同人集姓氏目錄

宴集類

熊本

何士容

陳熙

吳玉墀

陳毅

袁鑒

袁知

袁樹

邵颺

周長發

黃國楹

陳毅

蔡曾源

劉啟秀

袁樹

嚴守田

汪舸

王金英

徐垣

羅春霆

曹言路

徐溥

范兆龍

毛藻

汪廷舫

王箴輿

慶蘭

曹言路

蔡元春

許光驥

王發桂

俞葆寅

王光晟

李廷敬

郭錡

蔣之廉

金紹鵬

葛國玠

翟大琛

何士容

邵颺

蔡觀潮

高雲

黃之紀

梅冲

羅聘

莊經畚

周汾

何士容

陶渙悅

徐垣

蕭本	周士容	劉照	吳子華	刺	吳	吳	吳	吳	吳
周	黃國	刺	蔡會	陳	黃	黃	黃	黃	黃
周	羅	曹	翁	許	王	王	王	王	王
曹	曹	曹	曹	曹	曹	曹	曹	曹	曹
曹	曹	曹	曹	曹	曹	曹	曹	曹	曹
曹	曹	曹	曹	曹	曹	曹	曹	曹	曹
曹	曹	曹	曹	曹	曹	曹	曹	曹	曹
曹	曹	曹	曹	曹	曹	曹	曹	曹	曹
曹	曹	曹	曹	曹	曹	曹	曹	曹	曹
曹	曹	曹	曹	曹	曹	曹	曹	曹	曹

同人集



簡齋先生招飲

熊本

南山之南北山北多少六朝松與柏隨其姓者園以名園主屢易名未易太史詞章曠代無
世人都道青蓮謫斯園值斯賢主人如漆投膠如合璧園荒已久蔓難圖譬如上古鴻濛闢
於今漸次啟菁華一切亭臺換新格日新月異迄於茲吾無間然至矣極春光二月梅正開
紅枝白枝數滿百循橋傍水一週遭倚閣登樓三太息桑田滄海有變遷花落鳥啼誰護惜
座間惟我以杖隨目觀此園今與昔昔衰今盛事非奇人傑地靈理易測閒情逸致謝安石
高風亮節陶彭澤飲酒盡醉興未闌牛羊下來日之夕明燈照耀紛陸離遠可以觀近可卽
曩時第盛京華王宛平公作相國張燈設讌在怡園我時童稚與其席流光一瞬花甲週
迴頭處處成陳迹觸我景象感我懷仰視明月長天碧達觀惟有笑嬉嬉舉座從新浮大白
老翁何以祝東風年年來作隨園客

夏孟集隨園用東坡遊白水韻

周長發

我心無涯竟有涯遇佳山水思移家袁君五年宰白下政聲早見馳鋒車登高愛攜隱囊至
臨流久覺烏帽斜松石之間意自遠雞鳴埭左倉山嘉購園留客埒北海觀魚默坐參南華
山腰手種萬个竹籬角課灌千畦花陟巔要使眼界闊濟勝更欣筋力加三層傑閣學貞白
一眺常向同人誇階藥池蓮自淨娟怪松古檜爭楂榭上樓騰身接青漢去梯附翼凌丹霞
下視一闕等鬪螻笑聽兩部多鳴蛙他家苔磴直邱垤別開潭沼等樽窪要知胸中得真樂
位置弗令纖毫差與君同徵歷廿載江左兩晤如搏沙欲老園林寄鴻爪已忘仕宦輕蟬紗

石城坐擁消歲月萬卷手校分瑜瑕會客折簡屢招我鮭菜羅列辦咄嗟圖書彙鼎出示客
自詡老眼何曾遮我爲寓公笑學究恰幸室邇人非遐隨遇而安同此願可許疥壁來塗鴉
花朝前五日簡齋招集同人隨園看梅分賦得亂字

前人

幾生修到梅花粲窳襍溪山白石矸人瘦方知骨愈清身閒始愛園能灌隨園地主人中仙
手種倉山圍几案二月東風正放顛千株冷雪眞無算亭臺高處影難遮日夕探時花不斷
恍對佳人澹亦嬌偷逢皎月宵如旦相招設醴復刲羊拉伴尋邱兼繞岸低亞一枝斜翠竹
橫陳萬萼鈎銀蒜底須豔曲奏紅羅却映清渠鋪白練沁我心脾耐雪霜強他冠蓋眞冰炭
倚樹曾關晚嶂妍臨流忽漾晴波渙高歌直使鬼神驚屢舞渾忘籩豆亂如此林巒如此客
梅花肯以三公換

丁丑夏日簡齋太史招飲隨園

徐垣

去年曾記到名園不見東君晝掩門劇喜今朝重過訪頓教深坐靜忘言峯含翠色迎珠箔
樹帶晴光護竹軒佳景流連心自醉軟紅幾隔武林源

立春後一日蔣公子曹秀才小集隨園

曹言路

送盡年光是此辰煖寒佳會好迎春行來別業花三徑圍住東風酒一巡綠篠陰中開戶牖
黃梅香裏聚詩人春雲紅到斜陽外轉眼韶華又一新

前題

蔣知廉

行盡松陰叩竹扉登堂再拜讀書幃心齋尙覺耽兒戲身長眞慚著父衣老去愛才情益重
冬來習靜客過稀梅花古屋尋師好不用壇邊杏作圍名比春雷到處聞青燈讀史老

猶勤門生喜共傾三稚童子甯堪殿一軍傳世文章花樣別偷公格律瓣香焚冬郎未必眞
雛鳳多謝前賢獎借殿

隨園與鄉試諸公小集

黃之紀

隨園風景勝瀛州日見仙人曳杖遊名重不妨甘隱處身閒長喜接清流絳紗窗外月初上

白藕池邊風已秋此日醉歸須有贈桂花分插衆人頭 笑我空爲世外身桂壇前面掛

諸賓得逢宴會皆佳士不與科名只二人 是秋鄉試余與古瀛不與對局酒教今夜醉分題詩許隔宵陳

小倉山有先秦客慚愧漁郎漫問津 空中秋露冷梧桐車馬驕驕日正東千古名談三

席內兩江才望十人中 座客爲程魚門吳泰來袁蕙纘巨靜年李晴筵開蓬島花皆醉燈照

桃源水亦紅若個風光何所似輞川圖畫恐難工

清明雅集隨園

何士顛

隨園樓閣神仙居仙人憐才今誰如鵲聲早報佳招至東見雲中降鶴書書開字字情瀾瀾

勝地爭來輕步履萬竿竹色遠招人笑指龍門綠雲裏趨謁來登妙德堂春風座上領芬芳

公爲一代風騷主我列三千弟子行三千弟子我頭白卅年桃李公門客材小還收備藥籠

情深每許親吟席芳讌名園麗景呈天將邱壑置先生來分花福何修得似向彭宣更有情

良辰勝事殊堪取上巳清明剛接武兩節都歸一日酬高風此際空前古放艇呼僮載衆賓

半篙春水綠鱗鱗賢者有樂不獨樂翻作閒觀局外人 時先生未雙湖妙境都遊徧臨水繁

英霞彩絢棹轉橋邊曲折通仙津到處開生面覽勝還同峻嶺登鍾山晴翠望層層地高兩

眼才能放從此醺雞感不興倦飛鳥帶閒雲返客戀斜陽歸自緩文酒剛從圓几陳團團更

喜詩人滿酣適看人殘不空先生今日一坡公登筵饌進廚娘美愛客情如酒味濃坐久渾
忘漏深矣衆人散去三人止白時余與芷彩維宿水精城剪燭重親笑語溫傲他立雪程門子絳紗辭出
意愴然鶴唳春宵月在天水精城裏連牀好雅稱郊寒島瘦眠

前題

黃國楹

隨園先生蓬瀛客甘把勳名易泉石名園築向小倉山卅載雙清喜心跡每逢佳節開瓊筵
隱囊石几名花前詼諧賭說東坡鬼縹緲爭談鄒衍天今值清明連上巳招賓速駕書紅紙
能至麟洲卽列仙許親桂苑皆名士竹樹灣環石徑平園門未入鶴先迎圖書富有窺經濟
花石清疎見性情三十功成返初服家居誰及先生福琉璃世界九琳窗玲瓏宛似文心曲
剪取西湖置六橋故鄉風景見南朝粉蝶闌前翻舞袖黃鸝樹底弄清簫蓮舟共上成幽賞
短竹橫撐代蘭槳鶴汀鳧嶼渺無涯頓深天際真人想叢篁濃綠柳條青乘興還登山亭
天將烟景供吟嘯地與巖巒作畫屏斜陽淡處日將暮紅雨如潮飛出樹自訝蘭亭會裏人
忽教盡入桃源路須臾樺燭照清樽馬記班圖細講論銀刀寸切庾郎韭玉盃新烝阮藉純
良辰勝景兼難得此會居然冠南國分題座上各千言佳話人間添一則

前題

羅春靈

杜門仲蔚正閒居速客欣看太史書煮酒清明作高會園花開到十分初
綈燕風前卸
袂衣平臺曲榭樹如幃此身大類爭春鳥只檢名山勝處飛
蘭舟才艤一登山極目烟
雲掩靄間忽與詩人添好句松亭一隻鶴飛還
玉甕香醪色似苔碧桃樹底把筵開流
觴不用蘭亭水一點花飛酒一杯

前題

蔡元春

絳帳羣趨共論文清明修禊補前聞時譚同門荷夫子見花飛席上吹紅雨人在山中臥白

雲弟子泛舟藤霄晴先生寄興字書裙旁觀也覺風流逸羨煞神仙屬此君爲上巳後一日登龍若個

共相邀早望蓬壺向北郊感遇詩容貧士獻閒情賦有美人鈔心空荇藻魚忘水聲入烟霞

鶴在巢最是夢回晨起步一天清露濕林梢春次早方辭出園

前題

金紹鵬

雅集逢佳節仙津問小倉名園堪獨樂清福許分嘗道重簪裾外春生杖履旁纔經謁罷

便覺看花忙引客觀桃浪呼僮放雀航輕篙點碧沼曲岸臥垂楊倒影繁英亂迎人小燕翔

橋闌橫蝶蝶亭子學鴛鴦流水清堪掬高山近在望追隨慚我蹇登涉羨公強上已游同補

前一日乃清明樂未央靈區剛至止逸興忽飛揚鍾阜晴嵐合松亭翠蓋張天然成結構巧

已節合見文章草木涵清氣樓臺麗夕陽寺鐘催客返林鳥覓巢藏復認雙湖路仍登綠野堂風

騷親几席文酒戀壺觴德飽郇公饌詩慚李賀囊佳題雙節並勝事一朝償深喜光風被還

容笑語狂嚴城嫌遠隔禁漏聽初長留客同何遜清談伴蔡襄是日惟余與何莊椿真耐老

謝玉自生光見是日得華燭宵愁短青蓮舌吐芳論高風滿座學大海難量觸發機相引拘牽

意盡忘惟愁勞長者小憩就閒房茗盃多餘味圖書泛古香人來紅雪島身臥白雲鄉夜靜

泉鳴壑牕虛月到牀報更憑素鶴滴露響幽篁夢繞登臨處心清翰墨場風光須記取美境

以人彰

簡齋先生招集隨園並同登山望月

梅冲

嘉會及良辰華堂飛玉卮却喜前山亭明月來相期茶烟煮初熟棋響敲更遲出門藻荇亂
欲步心還疑人影轉廊曲波光隨樹移便倚藜杖健丹梯漸攀躋 溪迴逐寒流磴高逼

明月耳涼竹聲散衣碧松陰拂高坐出樹杪野煙幻明滅心隨白雲游俯辨萬象列遠水空
鏡涵遙岑渡一髮何處覓蓬瀛滿徑仙風發 情遙坐以久更深肅風露霜清蕭寺鐘雲

影石城樹呼月訂後期穿竹尋來路笙歌動高樓一聲徹林霧芳馨美人懷蘭芷騷客賦娛
情澹忘歸帶醉遲幽步

十二月十二日薄暮抵金陵卽至隨園謁簡齋先生留宿綠淨軒述舊感恩敬呈五首

陳熙

先生六十未華顛再入門牆已八年急就燈前望顏色笑從袖裏出詩篇園扉向改隨花轉

檻鏡先搖掃榻延軒中盡嵌五色玻璃爲問世間師與弟幾人如此意纏綿 絲竹聲中酒滿尊別

時絳帳有啼痕重來童僕迎門笑過去滄桑剪燭論取士已聞傾白下讀書猶見戀黃昏更

忻家有驪珠在不指鶯花當子孫公有鶯花選此子孫親之句 芳園昨夜轉東風臨水疎梅綴小紅

鶴怪客蹤窺戶外人先春色到山中余至園中次日立春十年失意堪嗟我四海憐才只數公堪笑桃

源舊雞犬縱教花密路還通 四面青山四面窗繞牀花氣雜爐香臥雲豈待遊仙枕問

法仍歸選佛場遠隔音郵遲獻壽暫陪吟席緩還鄉若論由也升堂日却冠三千弟子行

弱羽飄零嘆陸沉讓他健翮集華林朱顏攬鏡看非昔青草隨袍著到今秋榜姓名虛拭

自每北闌榜發先生知余被放嘆恨久之 征人肥瘠獨關心先生謂余較前略瘦 回思十六年前事感舊懷恩兩不禁

隨園看梅

陳毅

宦海茫茫笑陸沉誰將幽興寄山林頻開東閣邀佳客更對梅花弄素琴

桐城姚太史桐鄉潘君隱仙菴祝道

仙士為水春酒盃傳良夜永風燈鈴響畫廊深怪來香雪濃如此門外遊人不易尋

上元雪夜簡齋夫子招賞牡丹

曹言路

霜滿瑤臺月滿天牡丹開在百花先榮華世上尋常事難得風光在少年

吾師折柬共

招歡酒綠燈紅帶醉看添得穠華依絳帳雪中人更不知寒

前題

許光驥

花王應占百花先一夕春風朶朶鮮色映雪光明座右香隨椒釀到樽前貂裘相對無寒氣錦幄重圍有夙緣若使開逢天寶日青蓮呵凍寫金箋

隨園夫子招賞芍藥得第字

葛國玠

先生愛花被花累每到花開作詩會呼僮折柬邀門生名花相向待玠來欲前不敢前花光射日目為避爛若明霞散碧空燦如繡被鋪瓊砌羃巖香雲滿座隅疑身闖入神仙第神仙開讌及芳時杯盤不惜十千費自飲纔能三葉蕉耗陶却喜看人醉因言佳釀廿載餘無詩罰以金谷例拈題鬪韻各凝思詩好花神亦得意燭光扶影上吟箋似與才人鬪綺麗憶昔韓公金帶圍一時賓客皆榮貴座中豈少探花人我欲問花花不對

隨園先生招賞芙蓉

羅聘

筍輿軋軋不肯住赴約名園看花去秋竹遶籬綠到門入門未見花開處乍欣路轉繞迴廊復道潛通宛轉房奇書異寶靡不有重重窗護玻璃光隔窗隱約芙蓉見錯認朝川鷓鴣堰莫辜佳節愛重陽正要嬌容看三變先生呼僕急開窗一片秋心已早降萬花千花手難數

花花映水皆成雙倚欄下矚嫌未足更上扁舟快雙目始知遠望欠分明錦繡橫陳遍山麓
移橈更入芙蓉窩羣花笑勸金叵羅酒不招人花隔面白頭那得顏微醺四面是花中是水
西湖縮向柴門裏怪道年年不想歸手把花枝吟不已詩成要我畫作圖醉眼重看影欲無
漠漠秋烟飛翡翠層層嵐翠漾菰蒲園中有花四時改開到芙蓉又一載南山終日對悠然
籬菊花黃應更采

前題

吳玉堦

鯉魚風起秋光老紅到芙蓉便煩惱愁雲一片晝悄悄涼壓枝頭不許掃晴光太暄雨太黑
晴雨俱是花蝨賊天宮爲展無縫衣多留幾日花顏色名園原是蕊珠宮生長蓬山却不同
萬點新承斑管籠千叢猶染錦袍紅謫仙弄巧天機活位置林園若衣鉢花下樓臺波底山
九月明湖被他奪長鬚執簡打門招我去青溪訪玉簫粉圍香陣意不樂一心要上花間橈
黃花簪頭杯在手文官肅客敢落後入門狂叫似春三此宴渾忘作重九先教看到蔚藍天
玻璃窗拓珠簾懸左右客掉首枝枝朵朵花交肩高處不如低處爽鏡中更比窗中朗
宛轉橋頭喚畫橈鴛鴦亭上催蘭槳橋外花稀橋裏多八分錦繡二分波龍宮碎剪綃千尺
神女偷封霞一窩烟篷移入花深處山容天色沉紅雨此時恰愛纖風吹波搖千萬珊瑚樹
爲君一醉香犀觥爲君再賦麗人行莫道仙家太恂恍人間亦有芙蓉城

簡齋先生招飲次日賦詩

蔡曾源

萬里來登大雅堂龍門突兀此山莊烟霞欲洗風塵色甲子重開泮水香
昔蘭臺推武庫祇今花縣頌甘棠蔚藍天外清霏飭有客懷鉛愧馬楊
不坐蒲團不煉

今公六年十二入學自
六十年矣

丹一重花木一詩壇巡檐踏雪梅千樹開徑吟風竹萬竿氣壓曹劉爭壁壘勢驅屈宋作衙
官欲知四十年來事物外逍遙傲歲寒

東西兩粵愛山光笏拄官齋有雁行

公弟香亭守端州

暖風疎雨話連牀
風雅都歸絕妙詞能教腐朽化神奇才應似海蛟龍出筆到如椽婦

孺知公有五代門生子及女弟子楚水正勞裁郢曲楚中陳燕洲方伯及吳竹舫廉訪皆以書來促公來楚蜀山飛夢有巴詞石頭城

幽畔棲處剪燭西窗訂後期

雨後集小倉山房分韻

徐溥

山色雨後佳人情故鄉好有客渡江來相逢恨不早移樽過隨園恍入蓬萊島主人睡起遲
塔前花未掃魚跳水波圓風漾雲片小振衣倉山巔江帆出林表酌酒須盡醉一任玉山倒
徘徊日已暮斜陽送歸鳥

大廷尉鄧遜齋先生入都讌集隨園陪侍者李竹溪與簡齋主人皆先生戊午鄉榜所
得士發桂薦而未售是日亦在會上和簡齋韻

王發桂

師弟隨園聚文光碧漢冲雲山新院落桃李舊春風琴韻交相應花光幾處紅一城分二陝
召杜各西東簡齋曾宰江寧竹溪現宰上元

中秋日簡齋先生招集隨園

翟大琛

登高不待菊花杯乘興攜朋陟嘯臺萬象下隨人境杳千山低讓大江來潮聲天外商颿急
帆影林梢落照催莫以悲秋負明月芙蓉正向白雲開

隨園小集分賦

莊經畬

七載閒居忘宦情一雙白鶴伴山行風來暖閣生寒色雪後晴簷度雨聲蓬閣山川圖內賞
漢唐人物卷中迎酒杯茶椀更番至共助銀屏一曲清曾偕元亮駐江干陶西高閣分
題共月寒鬢鬢無情催我老雲山有約共君看千秋作鑑留詩史一座稱尊讓酒官不是少
陵潭北路人間何處著袁安

己卯八月六日小集隨園與吳竹嶼諸公同賦

陳毅

三徑初開掃薜蘿晚晴空翠滿巖阿不因佳客逢秋至那得瀛洲向夕過花裏無聲飛玉露
尊中有影動金波小山只我堪招隱君輩雲霄路正多

過隨園看杏花

劉啟秀

盡日名園烟靄微好春都向此中歸綠梅昨夜驚風笛紅杏今朝趁曉暉千點出林高隱隱
一枝當戶晚依依黃昏月裏胭脂雨半化香雲半濕衣

前題

范兆龍

濕雲寒未收蒼然翳平楚窈窕綠蘿身謝公清賞處入門磴路紆林密禽交語華池倚山開
風甕闌嵐霧春風及第花香苞圻幾樹勝侶得支郎風月劉惔助謂蓋圖日夕更開樽相知
半新故鴻爪易東西佳期難再遇惆悵酒闌時細雨人歸去

簡齋先生招看海棠

俞葆寅

又是栽雲夢雨天輕陰留護綺牕前憐他中酒初貪睡笑我隨風也放顛重葉品題推命婦
兩枝朝夕伴神仙相看況值清明節肯負芳華五色牋

立冬前九日隨園夫子招看芙蓉

何士顛

佳招赴名園佳境領難遍未親菊花杯先近芙蓉面先生風騷主事事皆可羨放舟雙湖中
花光露彩絢霞彩落清波上下紅萬片水曲棹頻移柳多絲易寫玲瓏隨處通水雲與日旋
如讀先生詩靈奇筆善變園分座上春秋草綠葱蒨魚鳥來相親忘機與客戀蕩漾意俱仙
風前冷然善

簡齋太史招看梅

周汾

廿載神依吟卷裏開樽今日在他鄉船移春水山俱活人近梅花影亦香座上半招黃髮士
樓前新館綠衣郎時史公子來就姻琉璃光動燈如海遊女爭來看小倉

和香亭隨園看芙蓉韻

袁鑒

嬌紅亂綴不成行誰信嬌紅可拒霜移種洛陽金谷裏不輸顏色祇輸香
艇移吹來秋雨潤沾衣嫩紅恐被秋陽炙留住溪雲不教飛

隨園雙湖觀打魚

袁樹

芙蓉看罷迴雙槳臨淵忽動羨魚想湖闊流深下釣難喚來漁戶人三兩人纔入水魚先知
潑刺一聲躍過頰截流舉網益爭翔銀刀攢簇金波光犀軍自鬪鱗甲響鯨陣亂排鬢鬣張
西湖合圍東湖閉聊戲原無盡取意魚不知機妄奮飛翻身轉自落平地獨有依蒲傍岸鱗
不驚便亦如無事因知世網本悠悠誤觸危機總自投既解貪生又畏死魚腸正與人心侔
主人觀止興亦足未逢亥日毋多獲須臾收網湖水平人魚依舊樂其樂

簡齋先生招同王菊莊盧韞山孫蓮水宴游柳谷得古詩一章

毛藻

小倉山房山之巔遊人到此疑登仙梅花一別三四月正月曾看梅重來衆綠紛雲烟先生召客

更有以春宜看花夏看水看花懷抱樂有餘看水眼界空無比山下有徑曲而紆水上有閣
高且虛憑欄彌望不可極玻璃千頃當胸鋪放船直向中流去沿溪窈窕窮幽趣仰視樓臺
似列屏蔚藍隱隱籠香霧松亭尙在半山腰金陵諸峯如相招登亭望遠作暝色瓊筵已設
華堂切先生有旨酒憑人飲升斗先生有嘉穀菽乳美無偶座中王盧四傑儔清絕孫郎吾
畏友忘年略分雜酣嬉談天說怪靡不有王汝德若非舉眼見月升流連那復知夜久念
我閒曹不當官每逢山水貪追歡竹露沾衣留不得出門幾度回頭看竟須歸製青箬笠從
公柳谷持魚竿

隨園賞梅聽孫嘯壑彈琴賦呈簡齋先生

王光景

春光如此不可得城南迢迢到城北主人略分相招邀時向名園看春色入門便見梅花開
橫斜錯落間樓臺窮幽直到香雪海七八百樹香飛來坐久渾忘香氣重撲人馥馥風吹送
襟裾眉宇挹清芬消吾半世羅浮夢淩虛小憩蔚藍天有客爲理朱絲絃一彈再鼓羣籟寂
琴音花氣同悠然當花對琴置一席共把芳樽招明月先生高論忽飛來別有蓮花生齒頰
燈殘月落酒漸醺翹首倉山起碧雲醉後不知歸路遠但攜兩袖香氤氳

隨園看梅

邵帆

萬竹抱山靜到門聞鳥聲徑松蟠石立池柳臥波生忽轉花深處如從雪後行雙湖三百樹
齊照玉峯明 一筇攜石畔雙屐憩花間風過樹搖水雪晴香滿山危橋逢鶴渡遠塔有
雲還預識明宵夢尋幽再叩關

簡齋夫子招飲隨園

何士顥

未入名園逸興生鶴聲門外遠相迎小倉山翠濃於染寫得秋光別樣清
東籬採菊挿
瓶中枝葉親刪位置工同是秋光開獨好爲公座上有春風
高會華筵綠滿樽一時桃
李集公門歸來欲驗師恩重燈下掀衣數酒痕

兄簡齋招同李寧圃太守嚴歷亭汪硯癯兩司馬觀碧桃聽孫嘯壑彈琴賦詩時寧圃
調任松江即以送別
袁知

六朝風景記當時伯氏樽開酒敢辭珂馬聲嘶芳草渡紅雲影入綠波池喜無俗客來三徑
別有清風響七絲即此仙源欣共到芳亭遍倚夕陽遲
纔餞寒梅費討尋碧桃開又感
春深山中宰相人間福花裏神仙物外心白髮最難逢舊雨青琴容易遇知音自慚半席匆
匆去孤負柴門月一林
是日雨
家招飲

前題

嚴守田

清涼山畔足林泉名士名園此地偏即席似團真率會流觴恍在永和年橋通暖漲春如海
座倚天桃客欲仙却笑武陵千萬樹尋源無路便回船
前村桃葉久聞名渡口何須打
槳迎
謂紫
少霞儘拓簾櫳邀鬢影不教箏笛溷風情彈將賀茗琴三疊引得華亭鶴一聲好趁江
臯新雨後五茸草淺擁雙旌

前題

汪廷旸

漠漠輕陰雨乍晴花開勝地更多情偶然小集成佳會半是師生半友生
助出隨園門下
園出許亭門下
名園高下好樓臺猶記當年問字來面面玻璃光似水四時花在水中開
脂紅粉
白一枝枝三十年來繫夢思寄語碧桃花下客我曾親見手栽時
泠泠清韻寄絲桐遠

勝箏琶格調工深夜月明人已散尙疑滿耳是松風
承乏雲間歲幾更橫雲山色記分

明桃花潭水青蓮去我是汪倫又送行
前年余權守松江三月

前題

李廷敬

華筵露井有先期細雨輕陰好護持地引名流成竹隱人隨花影到瑤池已看風送簾間瓣
更想春藏柳外枝一笑漁郎應羨我桃源人不解吟詩
西園陳迹漫追尋筇屐風流後

勝今雲氣欲生高士楊琴聲如見古人心垂楊漸漸將催別春酒依依尙滿斟
余將移守雲間好乞新詩壯行色也教三泐聽清音

隨園先生招香巖石圃作玉筍會皆美少年也余在廣陵聞而羨之寄懷一首

蔡觀潮

西湖已唱滿庭芳
先生在杭州湖樓宴女弟子十三人白下重聯玉筍行鱗角翩然盡公子虎賁強半似中郎

先生意中以震第一衣裳慘綠前程遠裙屐風流後會長我愧蔡謨年老大兼葭無福侍而震現在九江幕中

公旁

隨園看芙蓉分得聲字

陶渙悅

何處芙蓉好隨園久擅名盛開當令節高會聚羣英為踐登高約相邀載酒行陽光時隱現
天氣半陰晴寒暖秋無定單綿衣屢更傍山看最近臨水映尤明彩綉將身裹雲霞繞路迎
影嬌魚解啖色豔鳥齊驚宛爾來香國真疑入錦城欄邊雙鶴舞橋畔一舟橫嵐翠空中合
波光望裏平詩人皆弟子花福羨先生分與林泉樂同忘軒冕榮神仙能却老才士本多情
體健顏如少心閒境自清書堂燈早上文宴盞頻傾日落窗留影風過樹作聲勝遊緣豈偶

佳景畫難成已聽更三轉還貪弄一枰那愁歸去遠明月照簷楹

存齋兄偕同人遍游寶月臺披雲閱江二樓諸名勝歸讌晚香堂時劉參戎彭別駕楊大尹家枝隱弟各以餽饌相餉備水陸之珍余既繪冊為圖爰賦詩以誌

袁樹

墳箴吹到嶺南天合署賓朋盡莞然遊罷雲山成小集掃開簿領揖羣賢五家餽楹羅前席一老鬚眉照四筵似恐夜深人散去淋浪雨送滿庭烟 閱江樓上景如何寶月披雲次

第過弟子丰標傾菡萏露詩人清話勝笙歌齋關久失庚申守食譜新開甲乙科兄著食譜

席間餽知道衰翁遠來意冰盤爭進荔支多 座列元戎並邑侯參軍主簿盡風流既能破

俗成嘉會豈可無詩紀勝游啟堂啟晚香思舊跡簾垂涼影作新秋明朝誰寫西園冊我愧

當年顧虎頭

晤簡齋太史聞水軒先生海桐書屋極文宴之歡悵不及與率成二詩 汪 舸

笑對蘆花掉白頭終年來往類輕鷗短蓬春水餘殘夢細雨江橋續暮秋到岸未曾容早食

入城先為訪名流不期小別添惆悵觴詠偏教負勝遊 玉山雅集久銷沉好事重聞顧

阿瑛屋外海桐陰茂密燈前文酒興縱橫正宜有暇圖良會或恐無端賦遠行來日相尋出

門否大家漂泊共浮生

戊辰同商寶意賀主人新得隨園

王箴輿

舉世何人吏隱兼草堂今對小倉巖前山烟雨涼招袂萬木又枒綠到檐語涉民依雜漁事

船裝家具富書籤同來把插溪邊竹及看龍雛隔歲添

春日侍隨園先生遊北固山

郭錡

海水搖空綠上衣，叨陪攬勝步遲遲。但聞姓氏都關福，況對汀山細論詩。畫角牙旗三國後，輕輿短笠早春時。重經太守開筵處，遠隔湘波未必知。

先生遊甘露寺舊句云難得多情王太守開筵重與醉西風

前題

高雲

芒鞋箬笠待新晴，便擬江山勝處行。絕壁危樓雲表見，際天烟草雨餘生。十年得坐春風久，八秩欣看杖履輕。觴詠莫嫌歸路晚，一痕初月正相迎。

己未夏日同年袁簡齋集京師寓齋分得野字

徐垣

五月榴花繁熏風，轉炎夏招尋有良朋。懽然集彬雅，庭院清且幽。閉門宛在野林香，襲人裾草色媚杯舉。攀緣陟露臺，白雲生足下。興至發浩歌，相顧塵襟灑。因歎天地間，鹿鹿胡為者。我輩前何緣，簪筆同金馬。當期百年盟，豈可一日捨。晝永情不疲，酒酣懷共寫。黃絹鬪新詞，白雪和者寡。回首日影沉，暮烟出鄰瓦。

隨園先生招看芙蓉徧遊雙湖柳谷

邵颿

為報芙蓉發，門生載酒來。騎衝殘雨過，菊抱小山開。彭澤真肥遯，濠梁許共陪。夕陽紅在水，金碧見樓臺。

小，有西湖勝。操舟載客行，舍南千竹暗。潭北萬花明，文字通山水。園林識性情，何時謝墩近。擬作草堂成，怪石吞孤艇。流雲吐亂山，先生為遊遊越故鄉美巖壑。

小閣話江關，柳帶水痕活。鶴如花意閒，真成賦招隱。聊當越溪還，憔悴青門子。相依住白門，先生論風雅。愛客具雞豚，燒燭照花影。捲簾移月痕，晚鴉歸已盡。葉落滿山根。

隨園先生招飲

王金英

勝會由來亦有緣，一番惆悵客空還。
慚余誤墮塵埃裏，人道關門當入山。
來遲留得臨波一兩枝，半老徐娘偏嫵媚。
憑闌獨看幾多時。

隨園小集詩

慶蘭

幾度徘徊小院東，漫將聚散問天公。
故人遠在倉山外，尺素傳來夕照中。
林下清談忘晝永，樽前微醉趁花紅。
只回薄暮難分手，且捲湘簾坐晚風。
竹聲夢裏難忘，風義重醒來却又別離。
生雨遲知己，渾無賴園著詩人與有榮。
官街閒處聽初更，誰送蕭蕭醉
回憶歸途天似墨，雙燈光向馬頭明。

時簡齋將攜
令婿至西園

隨園續同人信札卷之終